



"A ko govori ljepše od onoga koji poziva Allahu, koji
dobra djela čini i koji govori: 'Ja sam, doista, musliman!'"
Sura Fussilat, ajet 33



informativni islamski časopis

El - Asr



IZDVAJAMO:

- ISKRENA VJERNICA KAO PRISNI PRIJATELJ I POMAGAČ
 - KAKO RJEŠAVATI BRAČNE PROBLEME
 - BORBA SA SVOJIM STRASTIMA
-
- POSLJEDNJI GOST
 - ŠIRENJE KOSMOSA
 - HIDŽRA ZA ABESINIJU

01.09.2005 / 31.10.2005 1426, H.G. broj 8, godina 2 Cijena € 1,5



DVD/VHS - Organizovan odlazak na Hadždž iz mesdžida IOB Tewhid.
Stručni vodiči su bili hfz. mr. Muhammed Fadil Porča i
prof. Nusret Imamović. Broj hadžija je prešao 50.

Arhiva IOB Tewhid

NOVO




VCD/VHS Diskusija između
hfz. mr. Muhammeda Fadila Porče i
Jehovih svjedoka koja se održala u
prostorijama IOB Tewhid.

Arhiva IOB Tewhid



Komplet predavanja
u Mp3 formatu na 16 CD-ova, koji obuhvata
244 predavanja iz raznih oblasti islama.

Arhiva IOB Tewhid



Izišla je iz štampe knjiga
• **“NAMAZ U ISLAMU”**
• treće dopunjeno i prošireno
• izdanje. Format A5, tvrdi povez,
• 212 strana.

Mekteba IOB Tewhid

Islamska Omladina Beč - Mesdžid Tewhid je
uz Allahovu pomoć i Njegovu dozvolu ponovo
aktivnije startovala sa radom na internet
stranici.

Lz tehničkih problema na koje je vremenom
naišla, stranica je u potpunosti rekonstruisana
i izmjenjena. Od imena www.bosna1.com
preko dizajna do bogatog sadržaja iz svih
oblasti islama uz mogućnost spuštanja audio
i video materijala (download) za sve one koji
žele da isti imaju na svom PC.

Također starnica ima mogućnost postavljanja
pitanja na koje odgovaraju najeminentnije
ličnosti današnjice.

U skorije vrijeme očekujemo, ako Allah da,
postavljenje i raznog materijala islamskog
sadržaja na njemačkom jeziku.

Sve vaše savjete, primjedbe i kritike možete
slati na našu email adresu
ummet@ummet.at

kur'an

akida

pitanja i
odgovori

muslima

tefsir

ahlak

hadis

hutbe

IOB

online
www.ummet.at





Informativni islamski časopis "El-Asr"

Izdavač

Stichting (Udruženje) Hidžra

Adresa

Amsterdam, Holandija

Registracija

KvK Amsterdam 34185854

Uplate na račun

Rabo Bank 1427.67.425

Urednik

Ebu-Hamza

Redakcija

S. Fazlić

A. Šibonjić

U ovom broju za El-Asr pišu:

Bilal Bosnić

Mr. Safet Kuduzović

Prof. Ahmed Džinović

Sedin Gulamić

Refiz Duro

Al'medina - ummu Muamer

Amina Curić

Mirsad Macić

Saradnici u ovom broju

Samir Curić

Kontakti

Telefon: (0031) 06 269 78 398

e-mail: biltenELAsr@msn.com

Štampa

Štamparija "S" Zenica

Narudžbe

biltenELAsr@msn.com



U ovom broju

| | |
|--|----|
| Zahvala Allahu subhanehu ve te'ala | 4 |
| Sahva u Holandiji | 6 |
| Čistoća je pola imana | 7 |
| Kako hanefijski mezheb gleda na slušanje muzike | 8 |
| Borba sa svojim strastima | 10 |
| Tajna pustinjskoga grada | 12 |
| Udijeli makar malo, a Allah će u tome bereket dati | 14 |
| Opasne greške u odgoju djece | 15 |
| Način rješavanja problema u braku | 16 |
| Iskrena vjernica kao prisni prijatelj i pomagač | 18 |
| Moj hidžab | 20 |
| Hidžra za Abesiniju | 21 |
| Širenje kosmosa | 23 |
| Doprinos muslimana kriptologiji | 25 |
| Itikaf | 26 |
| Poslednji gost | 28 |
| Nagradna igra | 30 |
| Reklame | |

Novi naslovi u ponudi džemata Hidžra:

Veličanstveno pravilo

Vasitijska akida



Zahvala Allahu subhanehu ve te'ala

Piše Ahmed Džinović, profesor islamskih Nauka

Ako pogledamo u našu svakodnevnicu, vidjećemo ljude kako žive u mnogobrojnim blagodatima koje im je podario Allah, s.w.t. Međutim, vidjećemo mnoge od njih kako se neprimjerno ponašaju prema tim blagodatima, umanjujući njihovu vrijednost i značaj, ne zahvaljujući na njima Onome ko je toga dostojan i zaslužan, pa čak negirajući bilo kakvu povezanost Allaha, s.v.t., sa njima!! Allah, s.v.t., nas upozorava riječima: **"Sjećajte se vi Mene, i ja ću se vas sjetiti, i zahvaljujte Mi, nemojte nevjernici biti!"** (El-Bakara 152) Od Allahovih lijepih imena jeste i El-Dževvad - Darežljivi, Velikodušni, Koji daje bez računa i Koji daje čak i onima koji to ne zaslužuju. Stoga, Allah, s.w.t., nije dao nafaku samo vjernicima, nego i nevjernicima, pa makar Mu oni bili nepokorni i poricali Ga, i makar mi koji vjerujemo to ne shvatali. Tako je Ibrahim, a.s., shodno ljudskom razumu, u dovi molio opskrbu samo za vjernike izostavljajući nevjernike, smatrajući da oni toga nisu dostojni. Međutim, treba znati da se iza svega što je Allah, s.w.t., propisao krije neka mudrost, i da On nije ništa dao bez cilja i svrhe. Stoga, pogledajmo kako je Allah, s.w.t., odgovorio Ibrahimu, a.s., na ovu njegovu dovu: **"A kada je Ibrahim zamolio: "Gospodaru moj, učini ovo mjesto sigurnim gradom, i snabdij plodovima stanovnike njegove, one koji budu vjerovali u Allaha i u onaj svijet!" - On je rekao: "I onome koji ne bude vjerovao daću da neko vrijeme uživa, a onda ću ga prisiliti da uđe u paklenu vatru, a grozno će ona prebivalište biti!"** (El-Bekara 126) Dakle, nafaka je propisana i za vjernike i nevjernike na ovom svijetu, pa čak nevjernici mogu u tome i prednjačiti, ali ih na Ahiretu čeka grozno boravište zbog njihovog nevjerstva i nezahvalnosti. Sada bi se osvrnuli na to kako ljudi, a pogotovo nevjernici, uzvraćaju na Allahovu, s.w.t., darežljivost. Citiraćemo samo neke ajete iz Kur'ana koji nam govore o tome šta su nevjernici govorili i govore o Allahu, s.v.t.: **"Oni govore: - Milostivi je uzeo dijete"** (Merjem 88), **"Nevjernici su oni koji govore: -Allah je jedan od trojice!"** (El-Maida 73) ili **"Allah je čuo riječi onih koji su rekli: -Allah je siromašan, a mi smo bogati!"** (Alu-Imran 181)! Odavde vidimo plemenitost i darežljivost Allaha, s.w.t., Koji opskrbljuje ljude i daje im razne blagodati i pored načina na koji Mu Njegovi robovi to uzvraćaju, a da i ne govorimo o njihovoj (ne)zahvalnosti na Allahovim blagodatima. Šukr: to je zahvala Onome ko daruje blagodati na Njegovoj darežljivosti prema tebi. Zahvalnost čovjeka je zasnovana na tri temelja, bez kojih nema šukra osim ako su svi ispunjeni, a oni su: unutrašnje priznanje blagodati, javno kazivanje o njima i ispomaganje njima u pokornosti prema Allahu. Allah, s.v.t., je spojio između šukra (zahvalnosti) i imana (vjerovanja), i obavijestio da On nema potrebe za kažnjavanjem svojih robova ako su Mu zahvalni i vjeruju u Njega. Uzvišeni je

rekao: **"Zašto bi vas Allah kažnjavao ako budete zahvaljivali i vjerovali?"** (En-Nisa 147) Takođe, Uzvišeni je obavijestio da su zahvalni posebno odlikovani Njegovom milošću prema njima među njegovim robovima. Uzvišeni je rekao: **"I tako Mi jedne drugima iskušavamo da bi nevjernici rekli: "Zar su to oni kojima je Allah, između nas, milost ukazao?" - A zar Allah dobro ne poznaje one koji su zahvalni!"** (El-En'am 53) Allah, s.w.t., je mnoge naknade učinio ovisnim o svojoj volji, kao što su Njegove, s.v.t., riječi: **"Allah će vas, ako hoće, iz obilja Svoga imućnim učiniti."** (Et-Tevbe, dio ajeta 28) I o oprostima je rekao: **"A prašta onome kome hoće."** (El-Maida, dio ajeta 40) Međutim, gdje god je spomenuo nagradu za zahvalnost, učinio je to neograničeno, kao što su riječi Uzvišenog: **"I sigurno ćemo zahvalne nagraditi."** (Alu-Imran, dio ajeta 145) Kada je Allahov neprijatelj Iblis spoznao veličinu zahvalnosti te da je to od najvrjednijih i najuzvišenijih položaja, postavio je sebi za cilj da uloži sav svoj trud u odvrćanju ljudi od njega, pa je rekao: **"Pa ću im sprijeda, i straga, i zdasna i slijeva prilaziti, i Ti ćeš ustanoviti da većina njih neće zahvalna biti!"** (El-E'araf 17) Allah, s.v.t., je spomenuo da je malo zahvalnih među Njegovim robovima, pa je rekao: **"A malo je zahvalnih među robovima Mojim."** (Sebe, dio ajeta 13) Preneseno je od Poslanika, s.a.v.s., da bi klanjao noću toliko da bi mu stopala oticala. Upitan je od strane Aiše: **"Zašto to radiš, a Allah ti je oprostio propuste koje si počinio i koje ćeš počiniti?"** Odgovorio je: **"A zar da ne budem zahvalan rob?"** (Buharija i Muslim) Preneseno je u "El-Musnedu" i Sunenima Ebu Davuda i En-Nesaije da je Poslanik, s.a.v.s., rekao Mu'azu: **"Tako mi Allaha, ja te volim! Zato, nikada ne zaboravi da kažeš poslije svakoga namaza: - Gospodaru moj, pomози mi da Te se sjećam, da Ti zahvaljujem i da Ti ispravno robujem!"** Hasan El-Basri je rekao: **"Mnogo spominjite ove blagodati, jer njihovo spominjanje je zahvala; a Allah je naredio svome Poslaniku da kazuje o blagodatima svoga Gospodara, pa je rekao: "I o blagodati Gospodara svoga kazuj!"** (Ed-Duha 11) A Uzvišeni Allah voli da se vidi trag Njegove blagodati na Njegovom robu; i to predstavlja zahvalu na njima govorom same okolnosti." Ovo mišljenje pojačava hadis zabilježen u Sunenu Et-Tirmizija i on ga je ocijenio dobrim, a zabilježio ga je i El-Hakim i ocijenio ga vjerodostojnim, a hadis glasi: **"Zaista Allah voli da vidi tragove Njegovih blagodati na Njegovom robu!"** Ebu El-Mugire je bio upitan: **"Kako si osvanuo, Ebu Muhammede?"** Odgovorio je: **"Osvanuli smo utopljeni u blagodati, nesposobni za zahvalu; nama se naš Gospodar umiljava a nije u potrebi za nama, a mi izazivamo Njegovu srdžbu a u potrebi smo za Njim."** Jedan učenjak je napisao svome bratu: **"Postali smo toliko okruženi Allahovim blagodatima da to nisi u stanju prebrojati uprkos mnogim**

grijesima koje činimo, pa ne znamo na čemu od toga dvoga da zahvaljujemo; na ljepotama koje nam je podario ili na pokrivenim ružnim postupcima?!" Ako pogledamo oko nas vidjećemo ljude kako zahvaljuju jedni drugima i za najmanju sitnicu, ali se malo njih sjete Uzvišenog Allaha, s.w.t. To je već postala navika kod ljudi, te se zahvaljuju čak i onome ko je dužan da učini nešto prema njima. Npr., ako je nekom dužnost da nam učini kakvu uslugu i on za to prima platu, mi mu ipak u većini slučajeva izrazimo našu zahvalnost riječima: "Hvala". Takođe, bilo ko da nam pruži kakvu pomoć, mi mu se zahvalimo. Neki to čine usmeno, pisanjem zahvalnica putem pošte, novina i časopisa, preko sredstava mas-medija itd. Međutim, što se tiče Allaha s.w.t., ljudi u većini slučajeva zaboravljaju da mu iskažu zahvalnost, ma kolika bila Njegova darežljivost i pomoć Njegovim robovima. Pa zar nismo obavezni najprije zahvaliti Allahu, s.w.t., bez kojeg ne bismo ni postojali na ovome svijetu, od Koga, bez prestanka, zavise naši životi i naš opstanak, i bez čije se volje ništa ne dešava?

Allah, s.w.t., nas u Kur'anu upozorava, da je zahvalnost

uzrok povećanju Allahovih je nezahvalnost uzrokom žestoke kazne. Allah, s.w.t., kaže: "I kad je Gospodar vaš objavio: 'Ako budete zahvalni, Ja ću vam, zacijelo, još više dati; a budete li nezahvalni, kazna Moja doista će stroga biti.'" (Ibrahim 7) Moramo napomenuti, da Allahu s.w.t. nije potrebna naša zahvala, niti on od toga ima neku korist. Korist u tome je jedino za nas, kako bi on

blagodat, dok

Ako pogledamo oko nas vidjećemo ljude kako zahvaljuju jedni drugima i za najmanju sitnicu, ali se malo njih sjete Uzvišenog Allaha, subhanehu ve te'ala. To je već postala navika kod ljudi, te se zahvaljuju čak i onome ko je dužan da učini nešto prema njima

bio zadovoljan nama, te nam povećao svoje blagodati. Stoga, musliman mora da bude zadovoljan u svakoj situaciji i da zna da je nafaka određena od strane Allaha, s.w.t., te da bude zahvalan Allahu na onome što mu je podario. Iz hadisa Allahovog Poslanika, s.a.v.s., saznajemo da je Allah, s.w.t., zadovoljan kada mu se čini zahvala, pa makar i na neznatnoj stvari. Poslanik, s.a.v.s., je rekao: "Allah, s.v.t., je zadovoljan da Mu njegov rob, kada pojede kakvu hranu, na njoj zahvali, ili kada popije kakvo piće, na njemu zahvali." (Muslim) Šukr je vezan za srce, jezik i organe; jer je srce za spoznavu i ljubav, jezik za izražavanje pohvale i zahvale a organi za njihovo korištenje u pokornosti prema Onome kome se zahvaljuje i njihovo odvratanje od grijeha. Neki čovjek je upitao Ebu Hazima: "Šta predstavlja zahvalu očiju, Ebu Hazim?" Odgovorio je: "Ako njima vidiš neki hajr obznaniš ga, a ako njima vidiš neko zlo pokriješ ga. Upitao je: "A šta predstavlja zahvalu ušiju?" Odgovorio je: "Ako njima čuješ neki hajr prihvatiš ga, a ako njima čuješ zlo odbaciš ga." Upitao je: "A šta čini zahvalu ruku?" Odgovorio je: "Ne uzimaj njima ono što im ne pripada, niti sprječavaj Allahovo pravo koje Mu pripada od njih." Upitao je: "A šta predstavlja zahvalu stomaka?" Odgovorio je: "Da u njemu bude hrana a iznad njega znanje." Upitao je: "A šta predstavlja zahvalu

spolnog organa?" Odgovorio je: "I koji stidna mjesta svoja čuvaju, - osim od žena svojih ili onih koje su u posjedu njihovu, oni, doista, prije kor ne zaslužuju; - a oni koji i pored toga traže, oni u zlu sasvim pretjeruju." (El-Mu'minun 5-7) Upitao je: "A šta predstavlja zahvalu nogu?" Odgovorio je: "Ako znaš nekog mejita kojem pozavidiš, koristi svoje noge u djelima koja je i on radio, (to znači: Ako znaš za nekog mejita, koji je bio pobožan, i želiš da budeš poput njega, a on je svoje noge koristio u pokornosti i dobročinstvu, radi i ti isto kao on) a ako ga prezireš neka ti njegova djela budu mrska a ti zahvaljuj Allahu. Onaj koji zahvaljuje svojim jezikom a ne čini to svim svojim organima, njegov primjer je poput čovjeka koji ima odijelo, nosi ga u svojoj ruci i nije ga obukao. Ono mu ništa ne pomaže protiv vrućine, hladnoće, snijega i kiše!" Treba napomenuti da u zahvalu na Allahovim blagodatima spada i to da dajemo i udjeljujemo drugim te blagodati, jer Allah, s.w.t., je nekome podario

više blagodati a nekome manje, te onaj ko je siromašan ili oskudijeva u nečemu ima svoje pravo u imetku onoga ko ima preko svoje potrebe. Čuli smo šta je odgovorio Ebu Hazim kada je upitan šta čini zahvalu ruku? Odgovorio je: "Ne uzimaj njima ono što im ne pripada, niti sprječavaj Allahovo pravo koje Mu pripada od njih." Takođe, sve ovo što smo naveli nije smetnja da čovjek izrazi zahvalu i

onima koji mu učine kakav hajr. Jer, Allahov Poslanik, s.a.v.s., je rekao: "Ko vam učini kakvo dobro djelo nagradite ga za to, pa ako ne nađete ništa čime bi ga nagradili, upućujte dovu za njega, dok ne vidite da ste ga dovoljno nagradili." (Ebu Davud) Međutim, cilj nam je bio da objasnimo, kako ljudi gotovo uvijek zahvaljuju ljudima za kakvu uslugu i pomoć, ali u većini slučajeva zaboravljaju da zahvale Uzvišenom Allahu, s.w.t., na blagodatima kojima nas obasipa.



Sahva u Holandiji

Piše Mirsad Macić

Sva hvala i zahvala pripada samo Allahu, subhanehu ve te'ala, Koji je ljude i ostala stvorenja stvorio da samo Njega, azze ve dželle, obožavaju i da samo Njemu ibadet čine. Ovu stvar je shvatio i može shvatiti samo onaj koga Gospodar svih svjetova uputi na pravi put.

Kao i većina ljudi na svijetu, živjeli su narodi na Balkanu jednim životom punim neznanja i lutanja (nažalost neki žive još uvijek tako). Napad na muslimane sa svih strana imao je za cilj (plan nemuslimana) da se uništi i zatre sve što ima veze sa islamom i muslimanima u ovim krajevima. Allah, subhanehu ve te'ala, je htio da se ti njihovi planovi ne ostvare, uprkos tome što su i "praktično i teoretski" imali sve uslove da to učine. Njegovom, azze ve dželle, milošću mnogi muslimani sa Balkana su shvatili da krkanje rakije i krmetine sa "komšijama", kićenje jelki i slavljenje novih godina i ostalih državnih i nedržavnih praznika, valjanje po morskim i ostalim plažama, te sve ostalo što čine nevjernici iz komšiluka, nisu nimalo omekšali srca i otupili kame (noževe), kada su ih te iste komšije vodili na klanje. Mnogi Bošnjaci, Albanci, Sandžaklije, Makedonci, ali i neki Srbi, Hrvati, Mađari i drugi su Allahovom, subhanehu ve te'ala, milošću, shvatili da je samo u islamu spas i opstanak. Samo iskrenom tevnom i prihvatanjem vjere, dobija se ponos i zaslužuje respect. Tako i na tlu Holandije, oni koji su osjetili slast vjere i shvatili da im je Allah subhanehu ve te'ala, pružio šansu da se spase, tako što ih je uputio u islam, pokušavaju da se snađu, da se nekako povežu, organizuju... Veliki dio njih prošao je kroz azilske centre (neki još uvijek u njima žive). Tu se upoznaju i nanovo bivaju razbacani po čitavoj Holandiji. Rotterdam i Amsterdam, kao najveći gradovi a i sa "jakom" starom dijasporom bivaju centrima gdje se okuplja i kocentriše većina ljudi s naših prostora. Tako i ovi "novopečeni muslimani" (tako su nas nažalost na početku zvali) pokušavaju u tamošnjim bošnjačkim mesdžidima organizovati neke aktivnosti poput halki Kur'ana i učenja hadisa. Nažalost u tim sredinama nisu naišli na razumjevanje i podršku, već na žestoke osude i kritike. Kada su u pitanju vjerske stvari i potrebe, većina muslimana s prostora bivše Jugoslavije (njih oko 30.000) koja je dobila dozvolu za boravak u Holandiji, bila je prepuštena na volju i "znanje" jednog ili dvojice imama (još uvijek je velikim dijelom tako).

Ali ova grupa, hvala Uzvišenom Allahu, nije se pokolebala, tako da su im se otvarala vrata marokanskih i turskih džamija širom Holandije. Željni znanja o svojoj vjeri i svjesni da je neznanje najveći neprijatelj muslimana, traže i nabavljaju literaturu i audio materijale sa islamskim sadržajem, većinom iz Bosne i Austrije. Svjesni da moraju

učiti svoju vjeru ali i da će biti pitani na Sudnjem Danu, jesu li dostavili drugima ono što su sami naučili od svoje vjere. Od ove male skupine sada je formiran solidan džemat na prostoru Holandije, koji je registrovan pod nazivom "Hidžra". U džematu su pokrenute mnoge aktivnosti u koje se pozivaju i dobro došli su svi koji hoće i žele da nauče o svojoj vjeri i da rade za ovu vjeru. Akcenat je, dakle, na naobrazbi, na učenju, na znanju. Svaki čovjek, shodno mogućnostima koje mu je Allah, subhanehu ve te'ala, podario, je dužan da nauči što više o svojoj vjeri, kako bi mogao da to primjenjuje prvo u svojoj kući a zatim i u sredini u kojoj živi, te društvu u kome boravi. S tim ciljem su organizovana mnoga druženja i skupovi (većinom dvodnevna), na kojima su se ljudima obraćali mnogi alimi, daije i studenti islamskih nauka, kako iz Bosne tako i iz ostalih evropskih centara. Sedmično se održavaju "halke" u pet mjesta u Holandiji. Na ti halkma se uči Kur'an, hadis, tefsir, itd. . Prije godinu dana je počela i kraća medresa sa predmetima kao što su akida, fikh i ahlak. Također je otvorena internet stranica www.jasnauputa.com, preko koje se može doći do bogatog islamskog sadržaja. Sportski turniri, izleti, vjerska pouka za djecu, humatinarne akcije još su neke aktivnosti koje ovaj džemat pokušava da održava u kontinuitetu. Knjige, audio i video materijali, kao i ostali da'vetski edukativni sadržaji, te islamska odjeća (muška i ženska), samo su dio nastojnja ovog džemata da pomogne svima onima koji žele da uče o islamu i da žive u islamu.

Jedno od tih projekata je pokretanje i izlaženje ovog časopisa "El-Asr", koji se čita sve više kako u Holandiji tako i van nje. Sve ove kao i druge aktivnosti se finansiraju iz džematske kase, odnosno od dobrovoljnih priloga onih koji se nadaju i mole Allaha, subhanehu ve te'ala, da im to nadoknadi tamo gdje će to moći vječno uživati. To bi bila ukratko lična karta ovog džemata, koji poziva sve one koji neznaju zašto postoje, koji još uvijek lutaju kroz tmine neznanja i nevjerstva, pozivamo ih da se spase, a spas je jedino u okrilju islama. Isto tako pozivamo nas i sve one koji za sebe tvrde da su muslimani, da učimo svoju vjeru i da svoj život nastojimo urediti onako kako nam je to naredio naš Tvorac, Gospodar svih svjetova, Allah, subhanehu ve te'ala, i onako kako nam je to prenio i u praksi pokazao Njegov Poslanik, Muhammed, Mustafa sallallahu alejhi ve sellem.

Molimo Allaha, azze ve dželle, da nam oprostí greške i propuste koje svakodnevno činimo i da nas uputi na ono što će popraviti naše stanja, molimo Ga da nam očisti naša srca i spoji ih sa srcima iskrenih Njegovih robova. Naša posljednja dova je: "Hvala Allahu, Gospodaru svih svjetova."

Čistoća je pola imana

Abdurrahman M. Kujević, Islamski Univerzitet, Medina

Ebu Malik el-Ešari prenosi da je Poslanik, sallallahu alejhi ve sellem, rekao: "Čistoća je pola imana. Riječi "El-hamdu-lillahi" (hvala Allahu) pune vagu. Riječi "Subhallahi vel-hamdulillahi" (slava i hvala pripada Allahu) pune prostor između nebesa i zemlje. Namaz je svjetlo, sadaka je jasan dokaz. Strpljivost je sjaj. Kur'an je argument za ili protiv tebe. Svaki čovjek radi i trudi se za nešto, pa ili će otkupiti sebe i svoju dušu te je osloboditi, ili će je prodati i upropastiti." (Muslim)

VRIJEDNOST HADISA

Ove veličanstvene riječi Poslanika, alejhisselam, su od velike važnosti. Obuhvataju mnoga važna poglavlja islama.

ČISTOĆA JE POLA IMANA

Čistoća znači čišćenje od svih tjelesnih i duhovnih nečistoća. Učenjaci se razilaze oko toga šta znače ove Poslanikove, sallallahu alejhi ve sellem, riječi "čistoća je pola imana". Neka od tih mišljenja ćemo spomenuti. 1. Nagrada za čistoću se toliko uvećava da dostiže pola nagrade za iman (vjerovanje) 2. Čistoća u ovome hadisu znači ostavljanje svih malih i velikih grijeha, kao što nam Uzvišeni kazuje da je Lutov a.s. narod rekao za Luta a.s. i vjernike koji su bili s njim: "Oni su ljudi čistunci (koji se čiste)." (En-Neml, 56.)

PODSTICAJ NA SPOMINJANJE ALLAHA, DŽELLE ŠE'NUHU

Riječi Poslanika, alejhisselam.: "El-hamdulillahi pune vagu a Subhanallahi vel-hamdulillahi pune prostor između nebesa i zemlje", upućuju na veličinu nagrade za izgovaranje ovih riječi. Tako riječi El-hamdulillah otežavaju vagu dobrih djela, onoga ko ih izgovori sa srca, na Sudnjem danu. To zato što ove riječi sadrže zahvalu Allahu, dželle še'nuhu, na svim blagodatima kojima je obasuo svoje robove. Zatim za riječi "Subhanallah" (slava Allahu) slijedi ogromna nagrada i sevab. Kažu neki učenjaci: "Kada bi nagrada za ove riječi bila supstanca popunila bi prostor između nebesa i zemlje". Slavljenje Allaha znači smatrati Allaha čistim od svih manjkavosti i nedostataka. Allahov Poslanik, alejhisselam, podstičući na izgovaranje ovih riječi veli: "Dvije riječi, lahke na jeziku, teške na mizanu, drage Miolstivom, Subhanallahi ve bi hamdihi Subhallahi-l-Azim." (Muttefekun alejhi)

VJEROVANJE U MIZAN JE OBAVEZA SVAKOG MUSLIMANA

Od stvari u koje je svaki musliman obavezan vjerovati jeste i vaga (mizan) na kojoj će se na Sudnjem danu vagati djela ljudi. Uzvišeni veli potvrđujući ovu veliku istinu: "Mi ćemo na Sudnjem danu ispravne vage postaviti, pa se nikome krivo neće učiniti, ako nešto bude koliko zrno gorušice, Mi ćemo za to kazniti ili nagraditi. A dosta je to što ćemo Mi računati ispitivati." (El-Enbija, 47.) Uzvišeni veli: "Oni čija dobra djela budu teška, oni će želje svoje ostvariti, a oni

čija dobra djela budu lahka, oni će posve izgubljeni biti, u džehennemu će vječno boraviti." (El-Mu'minun, 102-103.)

NAMAZ JE SVJETLO

Kao što nam svjetlo u tminama pomaže da razlikujemo ono što nam koristi od onog što nam šteti i pomoću kojeg se krećemo prema onome što želimo, isto tako namaz, kada ga rob obavi na način koji mu je Allah naredio, budi u njegovom srcu svjetlo i uputu i daje mu sposobnost da razlikuje istinu od neistine. Uzvišeni veli: "Namaz, zaista, odvraća od razvrata i od svega što je ružno." (El-Ankebut, 45.)

SADAKA JE JASAN DOKAZ

Duše vole imetak kao što Uzvišeni kaže: "I bogatstvo pretjerano volite." (El-Fedžr, 20.) Zato čovjek ponekad škrtari prema svojoj braći ali kada se bori protiv svoga nefsa i savlada ga i izdvoji iz svoga imetka obavezni dio (zekat) i dobrovoljno dijeli sadaku pokoravajući se naredbi svoga Gospodara, taj njegov postupak biva jasan dokaz njegovog imana, ustrajnosti i dobrote.

STRPLJIVOST JE SJAJ

Strpljivost je sputavanje duše. Kaže Ibn-Redžeb: "Sjaj je svjetlo koje prži i sagorjeva poput sunčevog sjaja za razliku od mjeseca koji samo svjetli a ne prži. Pošto strpljenje teško pada dušama i potrebno se boriti protiv svoje duše, sputavajući je i sprečavajući od onoga što naređuje, opisan je sa sjajom koji prži i sagorjeva."

KUR'AN JE DOKAZ ZA TEBE ILI PROTIV TEBE

Ko nauči nešto iz Allahove, dželle še'nuhu, knjige i radi po tome njemu će Kur'an biti dokaz za njega na Sudnjem danu. A onaj ko ne bude radio po njemu, učeći ga samo radi berićeta, mrtvima ili prilikom svečanosti, Kur'an će biti dokaz protiv njega. Kaže Ibn-Mes'ud r.a.: "Doći će Kur'an na Sudnjem danu pa će se zauzimati za onoga ko ga bude učio i bit će mu vodič do dženneta. A drugome će biti svjedok protiv njega pa će ga odvesti u džehennem."

ZAISTA JE VAŠ TRUD RAZLIČIT

Poslanik, alejhisselam, ovaj hadis završava riječima: "Svaki čovjek radi i trudi se za nešto, pa ili će otkupiti sebe i svoju dušu te je osloboditi, ili će je prodati i upropastiti." Svi ljudi osviću i dočekuju veće i svi rade i trude se, ali i pored toga nisu na istom stepenu. Neki oslobađaju svoju dušu i spašavaju je od dunjalučke i ahiretske kazne, pokoravajući se Uzvišenom Allahu i Njegovom Poslaniku, alejhisselam, dok drugi, u isto vrijeme, upropaštavaju svoju dušu i izlažu je dunjalučkoj i ahiretskoj kazni, nepokoravajući se naredbama svoga Gospodara. Uzvišeni kaže: "Zaista je vaš trud različit." (El-Lejl, 4.)

Kako hanefijski mezheb gleda na slušanje muzike

Piše mr. Safet Kuduzović

Nema dvojbe da praktikovanje određenog islamskog propisa, radilo se o naredbi ili zabrani, ostavlja pozitivne tragove na pojedince i društva, dok odbacivanje nekog propisa vodi neminovno u propast. Svjedoci smo da mnogi muslimani današnjice prekoračuju Allahove granice javno i tajno, kolektivno i pojedinačno. Griješenje je, samo po sebi zlo, međutim, doza zla dostiže svoju kulminaciju kada se nepokornost i grijehenje upakivaju u islamsku ambalažu i pokušavaju se nasilno olegitimiti i staviti pod kapu neke od priznatih pravnih škola. Za naša podneblja tipičan je i aktuelan primjer, slušanje muzike, koja se toliko raširila među muslimanskim masama da se ljudi koji ne slušaju šejtanske glasove smatraju nastranim i ekstremnim, a pokornost Iblisu se tretira civilizacijom i napretkom. Porok slušanja muzike nakon svoje crnine, dobiva garavi oblik, kada neka od islamskih institucija izađe sa proglasom kako slušanje "lijepe muzike" nije zabranjeno, slijedeći u tome, bez sumnje, promašeni stav nekih savremenih učenjaka. Slijedenje neosnovanih olakšica nekih islamskih pravnikâ je grijeh po konsenzusu svih učenjaka, kako tvrdi imam Ebu-lshak eš-Šatibi. (Vidjeti: El-muvafakat, 4/134).

Sulejman et-Tejmi je rekao: "Kada bi slijedio (neosnovane) olakšice svakog učenjaka, bio bi skladište zla." (Ibn-Abdul-Berr u Džamiul-bejan, 2/927/1766-1767 sa vjerodostojnim lancem prenosilaca). Nakon što je spomenuo ovu predaju Ibn-Abdul-Berr, kaže: "Hvala Allahu, nema razilaženja među islamskim učenjacima po ovom pitanju" tj., da je strogo zabranjeno slijediti neargumentirane olakšice. Ako su islamski učenjaci suglasni na zabrani slijedenja neosnovanih olakšica, šta je onda sa olakšicama koje oponiraju kur'ansko-hadiskim tekstovima, poput slušanja muzike?!

Slušanje muzike je zabranjeno po Kur'anu Sunnetu i konsenzusu učenjaka iz odabranih generacija. Uzvišeni Allah kaže: "Ima ljudi koji kupuju zaludan govor (lehvel-hadis), da bi, ne znajući, s Allahovog puta odvodili." (Lukman, 6). Ibn-Mesud se tri puta zakleo Allahovim imenom da se "zaludan govor", odnosi na muziku. (Taberi, 21/74 i Hakim, 2/411. Imam Hakim, Zehebi i Ibn-Kajjim ovu predaju smatraju ispravnom). Ibn-Mesud se neće tri puta zakleti

Allahom, osim na stvari koju je čuo od Poslanika, sallallahu alejhi ve sellem, jer se ovakve stvari ne govore po vlastitim nahođenjima. Ibn-Abbas je, također, kazao da se "zaludan govor", odnosi na muziku. (Taberi, 21/74 i Bejheki, 10/373 sa ispravnim lancem prenosilaca). Od Poslanika, sallallahu alejhi ve sellem, se prenosi skupina vjerodostojnih hadisa koji aludiraju na zabranu upotrebe i slušanja muzičkih instrumenata. (Vidjeti: Tahrimu alatit-tareb, str. 36). U hadisu koga bilježi imam Buhari, (5590), Poslanik, sallallahu alejhi ve sellem, kaže: "Zaista će se pojaviti ljudi iz moga ummeta koji će dozvoljavati (ohalaliti) nemoral, svilu, alkohol i muzičke instrumente. Stanovat će u podnožju brda, a njihov pastir stoku će im napasati. Doći će im siromah (tražeći pomoć), pa će mu reći da im dođe sutra.

Zadesiće ih strašna noć. Allah će brdo na njih strovaliti, a od nekih će načiniti izobličene majmune i svinje do Sudnjega dana." (Citirani hadis vjerodostojnim smatraju: Imam Buhari, Ibn-Hibban, Nevevi, Ibn-Tejmijje, Ibn-Kesir, Ibn-Kajjim, Askalani, Sehavi, Sujuti, Sanani, Alusi, Albani i drugi.).



Imam Ibn-Salah i

Kurtubi kažu: "Slušanje muzike je haram po konsenzusu islamskih učenjaka." (Vidjeti: El-džamiu li ahkamil-Kur'an, 14/56 i Ruhul-meani, 11/69). Imam Ibnul-Hadždž, zapaža: "Slušanje muzike je pogrdna i ružna stvar, po konsenzusu islamskih učenjaka." (Vidjeti: El-medhal, 3/119). Šejhul-islam Ibn-Tejmijje, kaže: "Muzika je haram po mišljenju imama četiri pravne škole." (Vidjeti: Medžmuat-ul-fetava, 11/291, 11/313 i 30/116).

Imam Ebu-Hanife je mrzio slušanje muzike i smatrao to grijehom. (Vidjeti: Ruhul-meani, 11/69, Avnul-mabud, 13/186, El-emru bil-itiba'a, str. 112 od imama Sujutija).

Imam Malik je pitan šta od muzike dozvoljavaju stanovnici medine? Odgovorio je: "To kod nas čine samo veliki grijешnici." (Vidjeti: El-ilel, 2/70 od imama Ahmeda, El-džamiu li ahkamil-Kur'an, 14/57 i Avnul-mabud, 13/186).

Imam Šafija je rekao: "Slušanje muzike je zabranjeno, a onaj ko to učestalo čini glupak je, od koga se ne prima

svjedočenje." (Vidjeti: Es-sunenul-kubra, 10/377, El-džamii li ahkamil-Kur'an, 14/57, Medžmuatul-fetava, 30/116 i Telbisu Iblis, str. 205-206).

Imam Ahmed je rekao: "Muzika pospješuje licemjerstvo u srcu." (Vidjeti: El-mugni, 12/43 i El-džamii li ahkamil-Kur'an, 14/57). Što se tiče učenjaka hanefijske pravne škole oni, također, muziku općenito, smatraju zabranjenom. To je zvanični stav hanefijskog mezheba, a neki sljedbenici imama Ebu-Hanife smatraju muziku **velikim grijehom**. (Vidjeti: Hašijetu Ibni-Abidin, 11/199, Hašijetut-Tahtavi, str. 319, Ruhul-meani, 11/68, Er-reddu ala men juhıbbus-sema'a, str. 31 od imama Tahira et-Taberija i El-džamii li ahkamil-Kur'an, 14/57.) U nekoliko narednih redova spomenućemo mišljenja najpoznatijih hanefijskih učenjaka iz, isključivo, originalnih djela hanefijskog fikha.

1. Imam Šemsuddin es-Serhasi (umro 490 H.) kaže: "Nije dozvoljeno iznajmljivati nekoga da poučava muzici i naricanju, jer je to nepokornost Allahu." (Vidjeti: El-mebusut, 16/41). Na drugom mjestu imam Es-Serhasi tvrdi da se odbija svjedočenje onoga koji sluša muziku. (Vidjeti: El-mebusut, 16/132).

2. Imam Alaaddin el-Kasani (umro 587 H.), kaže: "Mi smo ubjeđeni da je muzika haram (strogo zabranjena)." (Vidjeti: Bedaeus-sanaia, 6/84).

3. Imam Ebu-Bekr el-Merginani (umro 593 H.), spominjući skupine ljudi od kojih se ne prihvata svjedočenje, kaže: "... niti od onoga koji okuplja ljude da bi im svirao, jer ih okuplja da čine veliki grijeh (El-kebireh)." (Vidjeti: El-hidaje, 3/123 i El-bahrur-raik, 7/88). U poznatom hanefijskom djelu "Ez-zehire" se, također, navodi da je muzika veliki grijeh. (Vidjeti: Ruhul-meani, 11/69).

Na drugom mjestu imam El-Merginani, kaže: "Nije dozvoljeno iznajmiti svirku niti narikaču, niti nešto od stvari za zabavu, jer je to iznajmljivanje u nepokornosti Allahu." (Vidjeti: El-hidaje, 3/238).

4. Imam Bedruddin el-Ajni (umro 855 H.) u svome komentaru na El-hidaje, pojašnjavajući prethodno spomenute, a zabranjene stvari za zabavu, kaže: "Kao: Frula, bubanj i slično njima." Vidjeti: (El-benaje, 10/282).

5. Imam Muhammed Abdul-kadir er-Razi (umro 666 H.), kaže: "Slušanje muzike je haram, posebno u današnje vrijeme." (Vidjeti: Tuhfetul-muluk, str. 284). Ako je ovako govorio imam Er-Razi polovinom sedmog hidžretskog stoljeća, iako su ljudi tada, dakako, bili amateri u pogledu

muzike, a u odnosu na naše stoljeće, šta da mi kažemo za naše vrijeme i našu pjevaniju i sviraniju i dangubu?!

6. Imam Ibnul-Hemmam (umro 681 H.), kaže: "Muzika je nepokornost i grijšenje prema Allahu." (Vidjeti: Šerhu fethil-Kadir, 7/411).

7. Imam Alaaddin el-Haskefi (umro 1088 H.) kaže: "Nije dozvoljeno iznajmiti svirku, jer je to nepokornost Allahu." (Vidjeti: Ed-durrul-muhtar, 9/92 sa Reddul-muhtar.)

8. Imam Ibn-Abidin (umro 1252 H.), kaže: "... jer je muzika haram." (Vidjeti: Hašijetu Ibni-Abidin, 6/494).

9. Imam Ebu-Fadl el-Alusi (umro 1270 H.), nakon što je iznio nepobitne argumente o zabrani muzike, kaže: "... na osnovu spomenutog konstatujemo da je haram upotrebljavati i slušati muzičke instrumente." (Vidjeti: Ruhul-meani, 11/77).

10. Na kraju možemo spomuti predaju iz djela El-muhalla, 11/158, od Ibn-Hazma (zahirijaska pravna škola) koji prenosi od Muhammeda b. Hasana Šejbanija, najbližeg učenika imama Ebu-Hanife, kaže: "Zabranićemo zimijji (kršćanu ili židovu koji živi u islamskoj državi) slušanje muzike." Ako se zabranjuje muzika zimijji, šta je onda sa muslimanima koji se pripisuju Kur'anu i Sunnetu?! Na opasnost muzike ukazuje i činjenica da je ona bila zabranjena i u prijašnjim nebeskim religijama kako smatraju neki učenjaci. (Vidjeti: Ruhul-meani, 11/68), a Allah najbolje zna.

Hassan El Basri
rahmetullahi alejhi
veli: "Najbolje djelo
pobožnjaka jeste
kloniti se Allahovih
zabrana"



Borba sa svojim strastima

Piše Al'medina - ummu Muamer

“Život na ovom svijetu nije ništa drugo do zabava i igra, a samo onaj svijet je - život, kad bi samo oni znali.” (Al-'Ankabut 64)

Draga braćo i sestre, svi mi moramo učiti kako ćemo se boriti sa samim sobom i svojim strastima! Moramo tražiti i naći put, da bi izašli iz tmine u koju smo ušli zbog dunjaluka i njegovih ukrasa, koji nas na svakom koraku privlače da se posvetimo i pozabavimo samo njima. Zbog tog okrećemo lice svoje od našeg Gospodara, Uzvišenog Allaha, koji je stvorio: vidljivi i nevidljivi svijet! Nesmijemo zaboraviti da šejtan (la'netullahi alejh) neprekidno radi na tome, kako će nam uljepšati dunjalučke ljepote i kako je lijepo to što se povodimo za našim strastima. Braćo i sestre, svi mi bi trebali sjesti i razmisliti: „Ko nas je stvorio?“, „Hoćemo li biti proživljeni nakon naše smrti?“ i „Hoćemo li biti pitani za ono što smo radili tokom

našega života na dunjaluku?“, to jest da napravimo inventuru naše prošlosti i sadašnjosti, da vidimo gdje smo?! Nemojte misliti da ako budemo vjerovali u Uzvišenog Allaha, molitvu obavljali, zekat davali, postili i dobra dijela činili, da će nam to umanjiti nešto na ovom prolaznom dunjaluku, na kojem smo ionako samo putnici ili da ćemo biti nesretni i da je ovo gubljenje vremena. Ne, nije tako, znajte da sve što budemo radili slijedećem Kur'ana i Sunneta, da smo inša-Allah na pravom putu, to jest, putu spasa i istine. To je put sa kojim će naš Gospodar biti zadovoljan i sa kojim ćemo mi biti inša-Allah zadovoljni i streni, na dunjaluku i na Ahiretu! „.....A dobro koje za sebe unaprijed osigurate naći ćete kod Allaha još većim i dobićete još veću nagradu. I molite Allaha da vam oprost, jer Allah prašta i milostiv je.“ (Al-Muzzammil 20) Ovaj ajet nam jasno govori da ako se mi budemo na dunjaluku trudili da što više dobrih dijela učinimo, da ćemo za to naše dobro inša-Allah dobiti još veću bolju nagradu od Allaha subhanehu ve te'ala, Milostivog na dunjaluku i na ahiretu!

Slobodno vrijeme

„Dvije su Allahove blagodati neiskorištene kod većine ljudi, a to su zdravlje i slobodno vrijeme.“ Ovo što je Poslanik sallallahu alejhi ve sellem rekao je potpuna istina, većina nas ne zna kako ispravno da iskoristi svoje slobodno vrijeme i zdravlje, koje nam je Allah subhanehu ve te'ala dao! Uzvišeni Allah kaže u Kur'anu: **“Tako mi vremena, čovjek, doista, gubi, samo ne oni koji vjeruju i dobra djela čine, i koji jedni drugima istinu preporučuju i koji jedni drugima preporučuju strpljenje.”** (Al-'Asr 1-3)

Većina nas svoje slobodno vrijeme troši u besposlicama, praznim pričama, provodeći vrijeme na kompjuterima, na internetu, ispijanjem kava uz gubit ili bespotrebim telefoniranjem itd

Većina nas svoje slobodno vrijeme troši u besposlicama, praznim pričama, provodeći vrijeme na kompjuterima, na internetu, ispijanjem kava uz gubit ili bespotrebim telefoniranjem itd. Dok mi uz takve stvari gubimo i traćimo svoje dragocijeno vrijeme, ogovarajući ili tražeći mahane svoga brata ili sestre, ili čak upoznavajući nove hanume na internetu, estagfirullah, ne vidimo da nas kafiri uništavaju na sve moguće načine, fizički, psihički i medijama, - ALLAHU EKBER!!! Danas na televiziji i na našim svakodnevnim posjetama internetu, možemo vidjeti i čuti svašta, a to nije dobro za nas, našu djecu ostalu omladinu, jer ako mi budemo gledali i slušali ono sa čim Allah subhanehu ve te'ala nije zadovoljan, normalno je da ćemo probuditi strasti i šejtan će nam to uljepšavati na sve moguće načine još više, te ćemo početi razmišljati da je to za nas dobro i početak ćemo se za tim povoditi, estagfirullah. Sami smo svjedoci, šta nam se dešava i kako ćemo da završimo, ako se neučvrstimo uz Allahovu subhanehu ve te'ala pomoć, neučvrstimo temelj u našoj lijepoj vjeri, neučvrstimo svoj din i iman, te neučvrstimo se

na putu ka Džennetu.

Rad za Allahovu subhanehu ve te'ala vjeru

Moramo se boriti na Allahovom subhanehu ve te'ala putu i moliti Ga da nas uputi i učvrsti na pravome putu. Uzvišeni Allah kaže u Kur'anu: **„Oni koji se budu zbog Nas borili, Mi ćemo, sigurno, putevima koji Nama vode uputiti; a Allah je, zaista, na strani onih koji dobra dijela čine!“** (Al-'Ankabut 69) Ako se mi budemo borili u ime Allaha subhanehu ve te'ala i da Njegova riječ bude gornja, a nevjernička donja i ako se budemo borili da sačuvamo Haqq-istinu koju nam je prenio Allahov Poslanik sallallahu alejhi ve sellem od našeg Gospodara, Allah subhanehu ve te'ala će biti na našoj strani. Allahov Poslanik sallallahu alejhi ve sellem u hadisu kudsiju kaže da je Allah rekao: *“Ko se neprijateljski ponaša prema mome robu, Ja ću mu objaviti rat, najdraže čime mi se Moj rob približava je ono čime sam ga zadužio (farzovima), a zatim Mi se približava nafilama sve dok ga ne zavolim, a kada ga zavolim, onda Ja budem njegov sluh kojim sluša, njegov vid kojim gleda, njegove ruke sa kojima on radi, njegove noge sa kojima on putuje (u svemu tome pazi da se ne ogriješi i da ne pređe Allahove subhanehu ve te'ala granice). Ako šta zatraži, to mu dam, Ja ga odmah zaštitim.“* Znači moramo usmjeriti svoj život ka robovanju samo Uzvišenom Allahu, jer se samo tako možemo spasiti od džehennemske vatre. Allah subhanehu ve te'ala će nas

stavljati na raznorazna iskušenja, da bi vidio koliko smo mi iskreni, ustrajni i strpljivi na Njegovom subhanehu ve te'ala putu. Uzvišeni Allah kaže u Kur'anu: „Misle li ljudi da će biti ostavljeni na miru ako kažu: "Mi vjerujemo!" i da u iskušenje neće biti dovedeni? A Mi smo u iskušenje dovodili i one prije njih, da bi Allah sigurno ukazao na one koji govore istinu i na one koji lažu. Zar misle oni koji zla djela rade da će Nama umaći? - Loše prosuđuju! Onaj ko se boji susreta sa Allahom - pa, doći će, sigurno, Dan obećani; a On sve čuje i sve zna!“ (Al-Ankabut 2-5)

Allah ne čini nikome nepravdu

Aiša r.a. prenosi da je Allahov Poslanik sallallahu alejhi ve sellem toliko dugo stajao na noćnom (nafila) namazu, da bi mu noge znale oteći, pa mu je rekla: „Zašto to činiš o Allahov Poslaniče, kada ti je Allah subhanehu ve te'ala oprostio sve prošle i buduće grijeh?“ on joj na to odgovori: „Zar netreba da se trudim da budem zahvalan rob?“ A nama mnogima danas trnu ruke od telefona kojeg držimo radi gibeta, noge nam trne, ali ne od nafila, subhanallah, već od prevelikoga i dugoga sjedenje na stolicama kraj naših kompjutera, koji nam često posluže za činjenje gibeta, chetanja i posjećivanja raznoraznih zabranjenih stranica, sa kojima Allah subhanehu ve te'ala nije zadovoljan!!! Mi znamo da nam Allah subhanehu ve te'ala neće oprostiti grijeha unaprijed, moramo raditi dobra dijela i moliti Allaha subhanehu ve te'ala da nam oprost,

te se moramo iskreno pokajati, pa će nam On onda inša-Allah oprostiti! Moramo skinuti košulje džehla i obući košulje čiste bez fleka (harama) i biti uz Allahovu subhanehu ve te'ala pomoć optimisti, te se truditi i boriti u ime Allaha subhanehu ve te'ala - džihadom protiv svega što Allah subhanehu ve te'ala zabranjuje i sa čim nije zadovoljan! Znamte draga braćo i sestre, mi smo ti koji Allaha subhanehu ve te'ala trebamo, a ne On nas, nama treba Allahova subhanehu ve te'ala milost i pomoć na dunjaluku i na ahiretu. Ebu Zerr Džundub ibn Džunade r.a. pripovijeda da je čuo od Allahovog Poslanika s.a.v.s. slijedeći hadis-kudsi, gdje Allah dželešanuhu kaže: „O robovi moji, Ja sam sebi zabranio nasilje (zulum), a i vama sam ga učinio zabranjenim, pa nemojte jedni drugima nepravdu činiti. O robovi moji, svako koga Ja ne uputim je u zabludi, pa od Mene uputu tražite, a Ja ću vas uputiti. O robovi Moji, svi ste vi gladni, dok vas Ja ne nahranim, pa tražite od Mene hranu da bih vas nahranio. O robovi Moji, svi ste vi

neodijeveni, dok vas Ja ne obučem, pa tražite od Mene odjeću, kako bih vas obukao. O robovi Moji, vi griješite noću i danju, a Ja opraštam sve grijeha, pa tražite od Mene oprost da bih vam oprostio. O robovi Moji, šta god vi uradite, niste u stanju Meni štetu nanijeti, niti Mi kakvu korist učiniti. O robovi Moji, kada bi svi ljudi i džinni, od prvoga do posljednjeg bili toliko pobožni kao što je najbogobojazniji među vama, sve to nebi uveličalo Allahovu moć. O robovi Moji, kada bi se svi ljudi i džinni skupili na jednom mjestu i od Mene zatražili sve što žele, zatim Ja svakom ono dao što je tražio, to nebi umanjilo ono što Ja posjedujem ni onoliko koliko bi umočena igla u more umanjila vodu mora. O robovi Moji, samo se radi o vašim djelima, Ja ću ih sve zabilježiti, zatim ću svakom dati ono što je zaslužio, pa ko nađe dobro (hajr), neka Mi bude zahvalan, a ko nađe loše (šerr), neka ne kori nikoga drugog osim sebe!“

Budimo iskreni i priznajmo da je Allah subhanehu ve te'ala najpravedniji sudac, te da nikome zulum ne čini ni koliko za jedan trun. Čovjek je sam sebi kriv i sam sebi nepravdu čini, te je on taj koji je ponekad šejtanu poslušan, a on mu došaptava pored ovako jasnih dokaza. Uzvišeni Allah kaže u Kur'anu: „Ali, nevjernici lakomisleno slijede strasti svoje, - a ko će na pravi put uputiti onoga koga je Allah u zabludi ostavio? - njima neće niko u pomoć priteći.“ (Ar-Rum 29)

Zar ima neko ko ne bi želio nagradu Allaha subhanehu ve te'ala, milost i oprost, a znajte da Allahu niko ne može umaći! Zato braćo i sestre, primite pouku iz naroda prije nas, iz svih dokaza Kur'ana i Sunneta i nedopustite šejtanu da preovladava vama i vašim dušama. Pokajmo se iskreno Allahu subhanehu ve te'ala, prije dana u koga nema sumnje, dana polaganja ispita, jer jedino On prima pokajanje i Milostiv je!!! Uzvišeni kaže u Kur'anu: „Zato ti upravi lice svoje prema pravoj vjeri, prije nego što Allahovom voljom nastupi Dan koji niko neće moći odbiti. Toga dana On će ih razdvojiti; oni koji nisu vjerovali - na svoju štetu nisu vjerovali, a oni koji su dobra djela činili - sebi su Džennet pripremili, da On iz obilja Svoga nagradi one koji su vjerovali i dobra djela činili; a On, zaista, ne voli nevjernike.“ (Ar-Rum 43-45)

Naša zadnja dova je: „Gospodaru naš, ne dopusti srcima našim da skrenu, kada si nam već na pravi put ukazao, i daruj nam Svoju milost; Ti si, uistinu, Onaj koji mnogo daruje!“ (Alu-Imran 8)



Tajna pustinskoga grada

Preuzeto iz njemačkih novina TV14, prevod Samir Curić



Pobožnjak Ebu Abdullah en-Nadžī, rahimehullah, veli: Pet su stvari koje usavršavaju djelo:

- vjerovanje i spoznaja Allaha;
- spoznaja istine;
- iskreno djelovati radi Allaha;
- dosljedno praktikovati sunnet;
- hraniti se halalom.



Prije više stotina godina osnovan je u središtu Sahare jedan od najznačajnijih univerziteta čovječanstva - TIMBUKTU -. Učenjaci su davno nestali ostavljajući za sobom neizmijerno blago: stotine hiljada zapisa (skripti) koji sakriveni, zakopani i zaboravljeni čekaju da budu ponovo pronađeni.

Na putu smo za Timbuktu, takozvanom Karavan-Gradu, osnovanom prije više od 1000 godina u središtu beskrajne Sahare. U potrazi smo za jednom legendom i mitom koja se se generacije na generaciju prepričava među nomadima. Oni su bili ti koji su osnovali grad na obali Nigera i raskršću dva trgovačka puta i jedinog izvora vode u okruženju od više stotina kilometara. Do dana današnjeg u Timbuktu se susreću karavane zlata sa juga i karavane soli za sjevera. Samo se Niger, ta moćna rijeka zapadne Afrike koja je ranije davala vodu za preživljavanje, vremenom sve više i više udaljavala od grada. Na leđima kamila stižemo u grad sa

gostoprимljivim nomadima koji su nas primili srdačno. Podrazumljivo u njihovom svijetu, u kome spremnost na pomoć i solidarnost obezbjeđuju život a nemarnost smrt znači. Put nas vodi pored obale Nigera ka porušanim zidinama i prastarim

minaretima, dok se svijetloplava boja neba polako boji u roze. Stigli smo u grad legendi i iščekujemo naš prvi zalazak sunca tu na kraju svijeta. Seljak ogribele kože sa ljubavlju zaljeva vodom iz mješine mladi luk. Mještani, kraljevi pustinje, posmatraju nas lica sakrivenih iza indigoplavih zastora.

Mit Timbukta, jedne žive legende

Početkom 12 vijeka grad je



U svijetu poznata Sankore dzamija je preko 900 godina stara. Njen u obliku piramide sagradjen minaret je sagradjen od, za Saharu, jedinstvenog materijala: BANKO.

imao više od 100.000 stanovnika od čega 25.000 studenata. Najveći naučnici iz čitavog svijeta dolazili su tu privučeni slavom metropole. Timbuktu je izrastao u prvi univerzitet Afrike. Bio je izvor znanja. Dok u Evropi još vlada uvjerenje da je planeta

Zemlja jedna ravna ploča, arapski astronomi ispituju kretanje nebeskih tijela da bi tako ustanovili vrijeme za molitvu.

Budućnost tadašnjeg svijeta ležala je u Timbuktu. Naučnik El-Idrisi je tada prvi put u atlasu geografski predstavio Indiju i Kinu. Kasnije su to izdanje kopirali svi evropski kartografi. Iz cijelog svijeta su knjige preko pustinje transportovali da bi ih u Timbuktu prepisali. Tamošnje

biblioteke bile su vrijednije od svega zlata karavana i to je i danas tako. Kako kažu eksperti oko 7 0 0 . 0 0 0 srednjovjekovnih manuskripta još uvijek se nalazi u Timbuktu. Većinom su u privatnom vlasništvu, ali do danas perfektno očuvani zbog košta n o s u h e pustninske klime. Većina familija živi u gradu već stotinama godina, najčešće u kućama koje su njihovi preci sagradili prije više od 600 godina. Skoro svako domaćinstvo je tada

imalo svoju privatnu naučnu biblioteku; čak najmanja kolekcija obhvatila je oko 1600 knjiga. Jedno neizmijerno blago koje je nauka tek sada počela ponovo da otkriva. Fizičar Abbas ibn Firnas je već tada, 870 godine, uspješno obavio prvi let u

ljudskoj historiji; 1000 Početkom 20 vijeka stari s vremenom. Godišnje deseti godina prije njemačkog univezitet je oficijelno dio kuća se ruši, doslovce vazdušnog pionira Otta prestao da egzistira. Danas rečeno nestaje u pijesku. Sa Lilienthala. Neki Alhazen je vodi samo jedna jedina ulica njima nestaje nekad tako u 10 vijeku konstruisao prvi ka Timbuktū. Nekad čuvano blago. Kolekcionari teleskop. Tamo je otkriven najbogatiji grad Afrike leži nude za jedan manuskript i prvi kompas. Dok u to vrijeme Evropom hara kuga i druge zarazne bolesti tamo već dugo postoje bolnice. Čak i egipatske hijerogliffe su arapski učenjaci dešifrovali 800 godina prije Francuza. To je bilo znanje i nauka Islama a ne Kršćana.

Timbuktū, taj tajanstveni grad

Više od 700 godina je trajalo dok pustinjska metropola nije privukla pažnju Evropljana. Tek 1853 grad je otkrio historičar iz Hamburga Heinrich Barth. Ono što je on zatekao bili su već znaci propadanja. Dugo prije Bathovog dolaska marokanski je kralj «kidnapovao» učenjake sa univerziteta u Timbuktū da bi osnovao svoj privatni univerzitet. Ostale su familije, čuvari zaboravljenog bogatstva.



Katedrala znanja

Džamija Sidi Yahia nekada je bila dio univerziteta u Timbuktū. Od 12 vijeka ovdje se školovalo 25.000 studenata. Otprilike u tom vremenu u Bolonji je sagrađen prvi evropski univerzitet.

zaboravljen u moru od pustinje davno izubivši bitku

do 100 dolara . To je otrilike plata za dvadeset sedmica rada. Privredna nerazvijenost tjera mnoge, nekad tako moćne, familije na prodaju tih manuskripta. Nasuprot njima ima i onih koji su odlučni da ta pisana dokumenta čvrsto zadrže. «Šta će se desiti ako te manuskripte prodamo» pita se jedan stari taureq (kralj pustinje). «Završit će u arhivi ili nekoj muzejskoj vitrini, negdje u svijetu. Samo ne ovdje. Tada ćemo izgubiti našu historiju.» I mit o Timbuktū će tada prestati da postoji...

Ebu Zerr Džundub Ibn Džunade pripovijeda da su neki ljudi rekli: "O Allahov Poslaniče, imućni ljudi odnesoše (Allahove) nagrade, klanjaju se kao i mi, poste kao i mi i pored toga od viška svoga imetka udjeljuju sadaku." Allahov Poslanik sallallahu alejhi ve sellem im tada reče:

"Zar Allah, dž.š., nije i vama omogućio da sadaku djelite? Svaki tesbih je sadaka, svaki tekbir je sadaka, svako "elhamdu lillahi" je sadaka, svaki izgovoren šehadet je sadaka, naređivanje na dobro je sadaka i sprečavanje zla je sadaka, pa čak i bračni odnos je sadaka." Oni tada rekoše: "Allahov Poslaniče, zar i za zadovoljavanje svoje strasti čovjek ima nagradu?"

Alejhisselam reče: "Šta mislite, kada bi tu svoju strast čovjek udovoljio na nedozvoljen način, bi li zaslužio kaznu? Isto tako, ako to uradi na dozvoljen (halal) način, zasluhuje nagradu."

(MUSLIM)

Učenje Kur'ana napamet

- 1- Kada biste naučili u jednom danu samo **jedan ajet**, naučili biste cijeli Kur'an za **17 godina, 7 mjeseci i 9 dana**.
- 2- Kada biste naučili u jednom danu **2 ajeta**, naučili biste cijeli Kur'an za **8 godina, 9 mjeseci i 18 dana**.
- 3- Kada biste naučili u jednom danu **3 ajeta**, naučili biste cijeli Kur'an za **5 godina, 10 mjeseci i 13 dana**.
- 4- Kada biste naučili u jednom danu **4 ajeta**, naučili biste cijeli kur'an za **4 godine, 4 mjeseca i 24 dana**.
- 5- Kada biste naučili u jednom danu **5 ajeta**, naučili biste cijeli kur'an za **3 godine, 6 mjeseca i 7 dana**.

Udijeli makar malo, a Allah će u tome dati bereket

Muhenned ibn Abdullah

Od Adijja ibn Hatima, radijallahu anhu, prenosi se da je rekao: "Čuo sam Allahovog Poslanika, sallallahu alejhi ve sellem, daje rekao: *Allah će na Sudnjem danu razgovarati sa svakim od vas bez posrednika. Čovjek će pogledati na svoju desnu stranu i vidjet će samo svoja djela. Zatim će pogledati na lijevu stranu i vidjet će samo svoja djela, pa će pogledati ispred sebe i ugledat će samo vatru! Zato se čuvajte vatre, pa makar udijelili pola hurme.*" (muttefekun alejhi) Od Aiše, radijallahu 'anha, prenosi se daje rekla: Allahov Poslanik je rekao: "*O Aiša, zaštiti se od vatre pa makar udjeljivanjem polovice hurme...*" (Ahmed) Dragi brate, dobročinstvo nemoj nipošto omalovažavati pa makar se radilo o jednom ili dva dinara zbog Poslanikovih, sallallahu alejhi ve sellem, riječi: "*Ništa od dobročinstva ne smatraj bezvrijednim.*" (Muslim)

Šta znaš, možda baš taj dinar kojeg te je stid dati bude uzrokom da se napoji žedni, ili da se nahrani gladni, ili odjene onaj koji nema odjeće, ili da se izliječi bolesnik koji je ophrvan teškom bolešću. Kada je Allah oprostio čovjeku koji je napojio psa, šta misliš onda



kako će tek postupiti sa onim ko spasi život jednog vjernika ili bude sudjelovao u njegovom] spašavanju od gladi, siromaštva, neznanja ili bolesti. Uzvišeni Allah kaže: "...a ako neko bude uzrok da se nečiji život sačuva, kao da je svima ljudima život sačuvao" (El-Ma'ida, 32). Allahova milost je neizmjerljiva. Njegova dobrota je tolika da je čovjek ne može sebi predstaviti pa Allah možda dadne bereket u onome što je manje, a ne dadne u onome što je j više. Allahov Poslanik, sallallahu alejhi ve sellem, kaže: "*Zaista Allah uvećava nečiju sadaku makar bila hurma ili zalogaj dok ne bude poput Uhuda.*" (Ibn Hibban i Taberani) Zar nisi čuo Allahove riječi: "*Allah uništava kamatu, a unaprjeđuje sadaku. Allah ne voli nijednog nevjernika, grijешnika* (El-Bekare, 276). Uzvišeni kaže: "... onaj ko bude uradio koliko trun dobra - vidjet će ga." (El-Zilzal, 7). Nekima od selefa nije prošao dan, a da nisu udijelili sadaku u njemu, makar jedan kolač ili makar glavicu luka! Jezid ibn Habib kaže: "Mersed el-Jezeni je bio prvi koji bi poranio u mesdžid. Nijednom ga nisam vidio unutar mesdžida, a da u svome rukavu nije nosio sadaku. Čak sam ga vidio kako nosi glavicu crvenog luka želeći je podijeliti kao sadaku!" "O Ebu-l-Hajr", rekao sam ja, "*to čini da se tvoja odjeća čuje neugodnim mirisom (mirisom luka).*" On odgovori: "*O Ibn Ebi Habibe, ja u kući nisam našao ništa osim ovoga. Jedan od*

ashaba mi je pričao da je Poslanik, sallallahu alejhi ve sellem, rekao: 'Vjernikov hlad na Sudnjem danu je njegova sadaka.'" (Ibn Huzejme i Bejheki) Ibn Abbas, radijallahu anhu, rekao je: "*Udijeli na Allahovom putu, pa makar drvenu strijelu.*" (Ibn Ebi Šejbe) Zar nisi čuo za riječi Allahovog Poslanika, alejhisselam: "*Jedan dirhem je pretekao sto hiljada dirhema.*" -Kako to, o Allahov Poslaniče? - upita neki čovjek. "*Čovjek koji ima mnogo bogatstva pa iz njega izdvoji sto hiljada i dadne ih kao sadaku i čovjek koji ima samo dva dirhema pa uzme jedan od njih i dadne ga kao sadaku.*" (Hakim, En-Nesai i Ibn Huzejme) Hasan el-Basri, rahimehullah, prenosi daje neki čovjek rekao Osmanu, radijallahu anhu: "*O bogataši, vi nas pretekoste u dobrim djelima: dijelite sadaku, oslobađate robove i obavljate hadždž.*" "A vi nas činite zavidnim" - reče (Osman, radijallahu anhu). "*Mi vas činimo zavidnim?!*" - upita (čovjek). "*Da, jer tako mi Allaha, zaista je dirhem koji neki od vas teško izdvaja i dadne ga kao sadaku bolji od deset hiljada dirhema koji izdvaja neki od nas dajući tako neznatan dio iz obilja.*"

(Bejheki) Allahov Poslanik, alejhisselam, rekao je: "*Svaki musliman je dužan davati sadaku.*" -A ako nemadne? - upitaše ashabi. "*Nek' radi svojim rukama, pa zaradi za sebe i udijeli sadaku.*" (El-Bejheki) Ashabi su dobro zapamtili ovaj Poslanikov savjet i praktično ga sproveli u svome životu. Oni su sami sebe podsticali na rad kako bi zaradili nešto novca ili hrane i potrošili jedan dio od toga na sebe i svoju porodicu, a ostatak udijelili kao sadaku. Ibn Sa'd u svojoj knjizi Et-tabekatu-l-kubra navodi da je Selman el-Farisi, jedan od uglednih ashaba, svu svoju godišnju platu davao kao sadaku, a ona je iznosila 400.000 dirhema, a jeo bi samo ono što bi svojim rukama zaradio (bio je upravnik Medaina, bivše prijestolnice Perzije). Kupovao bi palmino lišće za dirhem pa bi od njega pravio razne stvari koje bi zatim prodavao za tri dirhema. Na taj način bi povratio utrošeni dirhem, drugi bi potrošio na svoju porodicu, a treći bi dao kao sadaku. Završavamo događajem koji prenosi Abdullah ibn Omer koji kaže: "Poklonjena je jednom od ashaba Allahovog Poslanika, sallallahu alejhi ve sellem, ovčija glava pa je on rekao: '*Moj brat taj i taj i njegova porodica su potrebni ovome od nas*', pa ju je poslao njima. I nisu je prestali slati jedan drugome sve dok ona nije obišla sedam kuća i vratila se prvobitnom vlasniku, a svima je bila potrebna." (Hakim, Bejheki)

Opasne greške u odgoju djece, II dio

Odgadanje udaje kćerki i 'trgovanje' njima

Dešava se da pojedini roditelji odgađaju udaju svojih kćerki, pogotovo u slučajevima kada kćerka radi kao profesorica, doktorica sl. i kada im ona donosi prihod u kuću. Kada se ukaže prigodna prilika za udaju takvim djevojkama, njihovi roditelji se uplaše da će njihovom udajom presušiti taj izvor prihoda, te počnu iznalaziti mahane mladiću, nagovarati kćerku da sačeka još bolju priliku itd.

Udaja kćerki za nedostojne prosce

Pojedini roditelji se svim silama trude i nastoje da im se kćerke udaju za pojedince koji su na istaknutim položajima u društvu, koji su ugledni, bogati bez obzira koliko su ti mladići pobožni i odgojeni.

Ljutnja i bjes zbog ženske djece

Ova greška ne predstavlja samo grešku u odgoju, nego i u vjerovanju - akidi. Nema nikakve sumnje da takvo ponašanje spada u običaje prljavog džahilijeta (doba neznanja i tame uma) i običaje i praksu džahila.

Nadijevanje djeci imena sa ružnim značenjima

Greške u imenima su:

- nadijevanje djeci haram imena. Tu spadaju imena poput Allahovih imena koja nije dozvoljeno nadjevati stvorenjima tipa: El-Ehad, Er-Rahman, Allah, El-Halik, Es-Samed, El-Kadir itd. Zatim tu spadaju imena koja počinju sa riječju "Abd = rob" uz ime stvorenja, tipa: Abdun-Nebijj (vjerovjesnikov rob), Abdu-Husejn (Husejnov rob), Abdu-Alijj (Alijin rob). Na kraju tu spadaju imena stranog porijekla, imena nevjernika, a pogotovo ona koja su nosili otvoreni i žestoki neprijatelj islamu i muslimana.

- nadijevanje imena sa ružnim značenjem, npr. Harb (Rat), Himar (Magarac), Kelb (Pas), Murre (Gorčina), Mirhad (WC-šolja) itd.

- nadijevanje imena koja izazivaju podsmijeh: Sahhat (Škrtica), Hajše (Vreća), Džahš (Magare), Bagl (Mazga) itd.

- nadijevanje imena koja vrijeđaju ljudski ponos i dostojanstvo, npr. Hajjam (onaj koji je ludo zaljubljen), Vessal (onaj koji uvijek stiže), Fatin (onaj koji stavlja na iskušenje), Fitna (Iskušenje) itd.

- nadijevanje imena meleka, kao što su: Džibril, Mikail, Israfil, Azrail, itd.

Dugotrajno odsustvo van kuće

Zauzetost zbog posla ili trgovine. Dugotrajna putovanja zbog prirode posla ili zbog ekskurzija i odmora. Provođenja vremena sa prijateljima, na odmoru, izletima i sl.

Dove protiv djece (kletve)

"Da Bog da te auto pregazilo", "Da Bog da oslijepio, zanimio," itd... Allahov Poslanik alejhisselam upozorio je muslimane: *"Ne zazivajte dove na sebe, i ne zazivajte dove na svoju djecu, i ne zazivajte dove na svoj imetak, da ne potrefite vrijeme u kojem Allah prima dove, pa vam se one i usliše."*

Odgajanje djece 'slijepom' modernizmu

Uključivanje djece u razna plesna i disko društva, slijeđenje nevjernika, privikavanje kćerki na oblačenje kratke, tijesne i prozirne odjeće i sl.

Činjenje prezrenih stvari pred djecom

Kada roditelji pred svojom djecom čine stvari koje su pokuđene. Djeca ne znaju razliku između zabranjenog, dozvoljenog i pokuđenog, pa sve te pokuđene stvari shvate i prihvate kao dozvoljene. U to spada konzumiranje duhanskih proizvoda, slušanje razvratne muzike i pjesama, brijanje brade,

gledanje nemoralnih filmova, praćenje bezvrijednih "sapunica" na TV-u itd.

Unošenje mekruha i harama u kuću

Poput kupovanja i donošenja u kuću raznih videokaseta, časopisa i knjiga sa razvratnim slikama, donošenje satelitske antene (bez prethodne provjere sadržaja kanala), interneta (bez ugrađenih filtera) i sl.

Mnogobrojnost problema među roditeljima

U svim slučajevima gdje su među roditeljima prisutni stalni međusobni konflikti pred djecom, djeca će ponijeti trajni crni trag u svojoj svijesti.

Kontradiktornosti u porodici

Koliko samo puta roditelji savjetuju djecu da budu iskrena, a djeca znaju da oni sami često lažu, ili da budu odgovorni i savjesno izvršavaju sve obaveze i dužnosti, a oni sami to nikada ne čine.



Način rješavanja problema u braku

Piše da'ija Sedin Gulamić

Pored lijepih osobina kojima se muškarac i žena trebaju okтити, ostaje ljudska priroda, koja se ogleda u ljutnji, uznemiravanju, nenamjernim greškama, šejtanskom došaptavanju, kao i spletkama od strane šejtana među ljudima i džinima, koji su u zasjedi pred svakom sretnom kućom. Ovome treba dodati da je priroda života na ovome svijetu napor i patnja. Oba supružnika ovo moraju uzeti u obzir i da njihov odnos sa problemima bude s puno razumijevanja, poimanja, pozitivnog mišljenja, te da na nesporazume nastale u braku gledaju kao na nešto što može postati razlogom dijaloga i razumijevanja ukoliko se ispravno odnosi sa njima. Način na koji braćni drugovi prilaze problemu može dovesti do njegova rješavanja, ali ga isto tako može produbiti i proširiti. Prije nego se upusti u rješavanje problema u braku, bitno je povesti računa o sljedećim stvarima:

Prvo: Nema sumnje da oštre, teške i neodmjerene riječi imaju dugotrajan odjek i nakon okončanja nesporazuma. Tome treba dodati emotivne rane koje nastaju u dušama. Stoga je nužno udaljavanje od ružnih riječi, vrijeđanja porijekla, ugleda, položaja, ili psovanja i omalovažavanja porodice i rodbine.

Drugo: Šutnja i nerazgovaranje o problemu je negativno privremeno rješenje, jer srdžba i ljutnja se tako brzo pojavljuju ako se pojave njihovi razlozi ili pri najmanjem nesporazumu. Gušenje problema u duši je početak psihičkih kompleksa i konstantnog duševnog nemira. Rješenje je da se zaboravi i oprost tako da obje strane budu zadovoljne ili da se problem riješi. Riješenje mora obuhvatiti sve ono što se nalazi u duši i treba biti bazirano na zadovoljstvu i iz punog srca.

Treće: Izbjegavanje momenata koji će dovesti do pobjede jedne od

Rekao je Poslanik sallallahu alejhi ve sellem: "Ko od vas rekne kada hoće da ima odnos sa svojom ženom: Bismillahi, Allahume džennibne-š-šejtane ve džennibi-š-šejtane ma rezaktena (U ime Allaha, Allahu udalji od nas šejtana i udalji šejtana od onoga čime ćeš nas darovati), pa ako bi bilo određeno da im se iz tog odnosa zametne dijete neće mu šejtan nikada moći nauditi.

(Muslim)

strana nad drugom, koji samo produbljuju sukob i još više ga ukorijenjuju; poput: ismijavanja, oholosti, nadmenosti i umišljenosti.

Džabir ibn Sulejm je rekao: "Vidio sam čovjeka, kako ljudi prihvataju sve njegove riječi, ne bi ništa rekao, a da to oni ne bi prihvatili. Pitao sam ko je taj čovjek i rekli su mi da je to Allahov Poslanik, s.a.v.s., a on mi je rekao: 'Obaveži mi se da nećeš nikoga vrijeđati!', nakon toga nikoga nisam vrijeđao, ni slobodnog čovjeka, niti roba, ni kamilu, niti ovcu. Zatim mi je rekao: 'Ništa od dobročinstva

nemoj potcjenjivati, a da se osmijehneš dok govoriš sa svojim bratom je dobročinstvo, i skрати svoj ogrtač do pola potkoljenica, a ako ne zeliš, onda obavezno do članaka i čuvaj se da tvoja odjeća ne pada preko tvojih članaka, jer je to vid oholosti, a Allah ne voli oholost. Ako te neko bude vrijeđao ili psovao zbog neke od tvojih osobina koje su mu poznate, ti njega nemoj vrijeđati zbog njegovih loših osobina koje su tebi poznate. Ako tako postupiš, takvo njegovo ponašanje će se vratiti lošim po njega."

Abdullah ibn Amr je rekao za Allahovog Poslanika s.a.v.s.: On nije bio bestidan niti nemoralan i govorio je: "Najbolji među vama su oni koji imaju najbolji moral."

Buharija prenosi od Aiše, r.a, da su Jevreji došavši Allahovom Poslaniku s.a.v.s. umjesto selama rekli: "Saam alejkum (neka te snađe smrt)." Na to je Aiša rekla: "Neka vas snađe smrt i neka ste prokleti i neka vas snađe Allahova srdžba." Na to je Poslanik s.a.v.s. rekao: "Polahko Aiša, budi blaga i čuvaj se žestine i bestidnosti. Zar ne čuješ šta sam im ja rekao i kako sam im uzvratio - s tim da će moja dova vezano za njih biti uslišana, dok njihova za mene neće biti." (Poslanik s.a.v.s. im je uzvratio riječima: "Neka to vas snađe.") Allahov Poslanik s.a.v.s. je rekao: "Najgori ljudi kod Allaha na Sudnjem danu bit će oni koje su ljudi ostavljali bojeći se njihova zla."



Riječi Enesa r.a., sluge Allahovog Poslanika s.a.v.s. koji kaže: *"Služio sam Poslanika s.a.v.s. deset godina i nikada mi nije rekao za nešto što sam uradio, zašto sam to uradio. Ili za nešto što sam propustio, zašto to nisam uradio."*

Četvrto: Uviđanje posljedica razmimoilaženja i njegove žestoke presije na obje strane. Nema sumnje da je svađa žene sa osobom koju voli, cijeni i na koju je ona usmjerena, kod nje stvara mnogo nepouzdanja, straha i uzrujanosti, pogotovo ako je od onih žena koje su osjetljive.


Peto: Udaljavanje od hvalisanja zbog porijekla, ljepote, kulture; ovo predstavlja jedan od najvećih razloga kidanja odnosa među supružnicima. Allahov Poslanik s.a.v.s. kaže: *"Oholost je odbacivanje istine i nipodaštavanje ljudi."* Allahov Poslanik s.a.v.s. je rekao: *"Allah mi je objavio da budete skromni, tako da se niko ne hvališe ističući svoje prednosti nad drugim i neka niko ne ugnetava drugoga."*

Šesto: Ne donositi odluke prije proučavanja situacije; tako da mužu ne dolikuje da kaže DA ili NE po nekom pitanju, a da nije sagledao problem, proučio njegovu pozadinu, i procijenio eventualne štete i koristi određenog postupka. Onaj koji na brzinu donosi odluke takav se nalazi u neprestanoj nedoumici i često mijenja svoje odluke pod presijom. On udovoljava zahtjevima tek nakon natezanja i nakon rasprava. On zna da je njegova odluka pogrešna ili da je neki od njegovih postupaka neispravan, pa traži utočište u svađi i prepirci.

Neka nebude ovo samo pročitano i ostavljeno na polici, nego probaj makar ispitat ove savjete a najbolje je da ih primjeniš. Allah najbolje zna. Neka je hvala Allahu, Gospodaru svjetova.

"Poslije pobožnosti i bogobojažnosti muslimanu nije ništa korisnije dato kao dobra žena: kada joj muž nešto naredi, ona to izvrši: kada je pogleda, ona ga svojim pogledom razveseli i raspoloži; ako je za neku stvar zakune, ona to izvrši; ako čuva svoje poštenje i muževu imovinu kada je on odsutan."

(bilježi Ibn Madže)



Pitanje:

Selam alejkum.

Mogu li trudnice (tri i pol mjeseca) ići na hadždž i obavljaju li sve obrede hadždža kao i ostali?

Odgovor:

Es-Selamu alejkum. Sa šerijatskog aspekta gledišta, nema nikakve smetnje da trudnica obavi hadždž.

Es-Selamu alejkum!

Mr. Safet Kuduzović



Iskrena vjernica kao prisni prijatelj i pomagač

Piše Bilal Bosnić

Zahvala pripada Allahu subhanehu ve te'ala, samo Njega obožavamo i samo od Njega pomoć tražimo, Njemu se utječemo od zla naših duša. Koga On uputi, niko ga u zabludu nemože odvesti, a koga On u zabludi učini, niko ga ne može na pravi put uputiti. Svjedočimo da nema drugog boga osim Allaha subhanehu ve te'ala i da je Muhammed sallallahu alejhi ve sellem Njegov rob i Njegov Poslanik. O vjernici, bojte se Allaha istinskom bogobojažnošću i umirite samo kao muslimani! (Alu-Imran 102). Pravilo svakom iskrenom muslimanu u njegovom svakodnevnom životu se ogleda u riječima Uzvišenog: "Reci: 'Klanjanje moje, i obredi moji, i život moj, i smrt moja, doista su posvećeni Allahu, Gospodaru svih svjetova, koji nema saučesnika; to mi je naredeno i ja sam prvi musliman'". (Al-An'am 162-163). Musliman bi trebao živjeti sa islamom i za islam, slijedeći na taj način najboljeg poslanika, Muhammeda sallallahu alejhi ve sellem sina Abdullahova. "Reci: 'Ovo je put moj, ja pozivam k Allahu, imajući jasne dokaze, ja, i svaki onaj koji me slijedi, i neka je hvaljen Allah, ja njemu nikoga ne smatram ravnim'" (Jusuf 108). Nosioc poslanice treba da se bodri riječima Poslanika sallallahu alejhi ve sellem: "Prenesite od mene, pa makar i jedan ajet". (Buharija, Ahmed, Tirmizi i dr). Musliman bi trebao imati u vidu, a posebno onaj musliman, koji se više bavi misionarstvom (da'vom), da je odabir bračnog druga veoma bitan momenat u izvršavanju postavljenog emaneta. Supruga treba da bude prijatan i osvježavajući hlad za svog muža u svakom momentu, a posebno u teškim momentima kada osjeća umor, brigu, tugu i susreće se sa mnogim svakodnevnim problemima, a pogotovo iskušenjima na polju da've, koja se ne mogu izbrojati i često predvidjeti. Svima nam je jasno da živimo u vremenu otuđenosti od šerijatskog znanja i rasprostranjenosti neznanja, tj. upropaštavajućih grijeha poput nemorala, kamate, muzike, alkohola, te ostalih grijeha i musibeta koji naveliko utiču ostavljenju Pravoga puta. S druge strane, problemi razjedinjenosti muslimana i njihovih predvodnika (daija), svakodnevna optuživanja kako jedni pribjegavaju olakšicama a drugi pretjeruju u vjeri, provlačeći to kroz terminološke izraze: TEK FIR ILI MURDŽIJE. Nema sumnje da ovi problemi slabe da'vet i ulaganje truda u ovom segmentu, tj. gubljenje duha i udaljavanje, zbog ovih i njima sličnih problema. Mnogi ljudi skreću od jedinog ispravnog puta koji se zove "Srednji

put", na kojem je bio naš Poslanik sallallahu alejhi ve sellem. Zbog svih ovih problema među muslimanima i njihovim predvodnicima (dajama), svakom od nas je potreban prisni prijatelj s kojim može podijeliti probleme, tugu, brigu, osjećanja i mnoge misli. Za ovim žudi svaki musliman i to je njegov san, a nema sumnje da bi toga prisnog prijatelja trebao naći u svojoj supruzi, čija je svojstva opisala ova divna vjera. Žena muslimanka čuva tajne svoga muža, pomaže mu u svakodnevnim korisnim poslovima, utiče na pozitivno raspoloženje u porodici, ulaže svoj trud i žrtvuje se sa čistim niyetom za ovu vjeru.

Žene - na koje se svaka muminka treba ugledati

Svima nama je lijep uzor prvi musliman i prvi daija, Allahov Poslanik sallallahu alejhi ve sellem, koga pomaže i bodri majka vjernika Hatidža, radijallahu anha, sa svim onim što posjeduje od imetka, iskustva, milosti i tome sl. Znala je stalno ublažavati tugu i birgu koja bi pogodila našeg Poslanika sallallahu alejhi ve sellem, podstičući ga u istrajnost prilikom rada za ovu vjeru. Tako je to bilo od prvog dana poslanstva, kada mu je rekla te divne riječi koje je historija zabilježila i ostaće ubrizgane harfovima od svjetlosti. Vraća se Poslanik sallallahu alejhi ve sellem iz pećine Hira, sav uplašen, pa ga ona, radijallahu anha, tješi riječima: "Allaha mi, Allah te neće zaboraviti, jer ti čuvaš rodbinske veze, priskačeš u pomoć, pomiruješ zavađene, pomažeš slabog i držiš do istine." Zatim ga je odvela sinu amidže Vereke ibn Neufel. Ovaj događaj je poznat i zabilježen u Buharijinom sahihu. Zbog ovakvog žrtvovanja na polju dobra, Poslanik alejhisselam ne zaboravlja svog prisnog prijatelja, zauvijek ostavlja mjesta u njegovom srcu, a godinu u kojoj je umrla hazreti Hatidža, nazvao je godinom tuge. Svi se sjećamo slučaja kada ashabi odbiše naredbu Poslanika sallallahu alejhi ve sellem, nakon potpisivanja poznatog ugovora na Hudejbiji. Ušao je Poslanik sallallahu alejhi ve sellem kod majke vjernika Ummu Seleme, radijallahu anha, tužan i zabrinut, obavještavajući je o postupku ashaba, te i ovdje dolazi do izražavanja pozitivna uloga žene kao iskrene vjernice, koja ga tješi i savjetuje, govoreći mu: "Izadi obrij glavu i zakolji Kurban pred njima!", pa zatim to uradiše nakon njega i svi ostali ashabi, onako kako je to sam



sallallahu alejhi ve sellem učinio. Iskrena muminka, kći iskrenog mumina Ebu Bekra Es-Siddika, radijallahu anhum, je uzela veliko učešće u da'vi i širenju znanja, obavještavajući i usmjeravajući ljude. Ovako je bilo stanje mnogih ashabijki i tabiinki, kojima je Allah dž.š. pomogao da potroše svoje vrijeme na ovome svijetu kroz ibadete, da'vu, džihad, pokornost svojim muževima i pomaganju svakog onoga ko je bio potreban na putu širenja ove vjere, tako da se islam raširio po mnogim krajevima ove zemlje. Nažalost, njih naslijediše potomci, koji su mnogi od njih čak i namaz doveli u pitanje, slijedići mnoge prohtjeve tako da je to otvorilo naširoko vrata mnogim grijesima, novotarijama i prijestupima. Ušla je ljubav prema dunjaluku i njegovim izazovima, u srca mnogih ljudi i žena. Rijetki su primjeri u današnjem vremenu, gdje muž i žena sjede i zajedno dogovaraju rad za Allahovu vjeru, traženje znanja, učestvovanje u džihadu, osim kome se Allah smilovao, zato je velika kriza za takvim Allahovim robovima i ropkinjama danas. Često čujemo danas kako je žena muslimanka direktno učestvovala u rušenju ličnosti svoga muža, uvodeći ga u mnoge tegobe i na taj način odvratajući ga od Pravog puta. Može se čuti od naših sestara, Allah im se smilovao i uputio na pravi put, da su svojim širokim dunjalučkim potražnjama odvratile svoje muževe od da'veta i ulaganja borbe i truda za ovu vjeru, pa čak i od onih osnovnih islamskih aktivnosti. Čuje se od naših sestara, Allah im oprostio, da su bile glavni razlog unošenja svađe, prepirke i razilaženja u kućama svojih muževa, pretvarajući te kuće u džehennem na dunjaluku. Postavlja se pitanje, može li brat musliman, koji živi sa ovakvim rakom (džehennem na dunjaluku), puno doprinijeti u da'vi ili traženju šerijatskog znanja? ODGOVOR JE NAMA SVIMA POZNAT.

Čuvajte sebe i porodice svoje ...

Nažalost mnoga neslaganja i svađe iz kućnog ambijenta se prenose na druge porodice. Osobine žena koje odmažu i usporavaju uspješan doprinos za ovu vjeru su sljedeće: zavidnost, preziranje, laž, ogovaranje (gibet), prenošenje tuđih riječi (nemimet) i rade mnoge druge stvari koje potpaljuju vatru i prave probleme njihovim vlastitim

muževima. Kod koje se sestre muslimanke nađu ove pogrdne osobine, neka zna da radi u prilog šejtanu, a protiv sebe i svojih sestara! „O unuke, Hatidže, Fatime, Aiše i drugih plemenitih muminki, bojte se Allaha i lošeg završetka!“ Ako niste u mogućnosti podnijeti veliki teret

"Allahovo prokletstvo je na žene koje oponašaju muškarce i na muškarce koji oponašaju žene."

(Ahmed, Ebu Davud)

"Aiša r.a. prenosi: "Pitala sam Allahova Poslanika kome žena najviše duguje svoju poslušnost, a on mi reče: mužu. A kome čovjek najviše duguje? Majci - odgovori mi Allahov Poslanik."

(Ahmed, Nesai)

"Najblagoslovljenija je ona žena koju je najlakše opskrbiti."

(Ahmed)

na polju da'veta, onda olakšajte svojim muževima u traženju znanja, džihadu, da'vi i pomaganju ove vjere. Čuvajte svoje jezike od lošeg govora - rekla kazala - gibeta, nemimeta. Smanjite izlaske i ulazke iz kuće, beskorisne zijarete i šetkanje po pijacama, jer su najgore žene koje puno ulaze i izlaze iz kuće, kako je zabilježeno u nekim predajama (ešerima). „O braćo muslimani, bojte se Allaha dž.š. i znajte da ste vi pastiri u svojim porodicama, a posebno oni muslimani koji traže da se ožene, neka vode računa prilikom odabira budućih supruge. Ne dozvolite da prvo i zadnje prilikom odabira bude ljepota. Koliko je ljepotica bilo iskušenje svome mužu, koje se nakon toga okrenulo u probleme, neprijateljstvo, te pokazalo slabost njene vjere, da nas Allah sačuva takvog iskušenja. Amin!“ Upozorio nas je naš Poslanik alejhisselam veoma oštrim upozorenjem, kada je kazao: *"Bojte se zelene bašče!"*, rekli smo *"Šta je to zelena bašča, o Allahov Poslaniče?"*, rekao je *"Lijepa žena u kojoj se krije zlo."* (Darekutni) Ovaj hadis nas upućuje da nije sve u ljepoti, nego treba početi od vjere, lijepog ahlaka, čestite porodice,

nakon toga dolazi ljepota i ostali uvjeti. Muslimani se ne smiju zavaravati i biti lijeni u odgoju svojih žena, nego su obavezni da ih podučavaju ispravnoj akidi, usmjeravaju na lijepo ponašanje i udaljavanje od ružnih navika, što opet ugrožava lijepo ponašanje. Molimo Allaha subhanehu ve te'ala da nam da blagostanje, oprost i da nas sačuva od sramote i poniženja na dunjaluku i ahiretu. Amin! *"Tada ćete se sigurno mojih riječi sjetiti! Ja Allahu prepuštam svoj slučaj: Allah, uistinu, robove svoje vidi."* (Al-Mu'min 44) *"O vi koji vjerujete, sebe i porodice svoje, čuvajte od vatre, čije će gorivo ljudi i kamenje biti, i o kojoj će se meleki strogi i snažni brinuti, koji o onome što im Allah zapovijedi, neće opirati, i koji će ono što se naredi izvršiti"*. (At-Tahrim 6) Naša zadnja dova je, hvala Allahu, Gospodaru svih svjetova.

Moj hidžab

Amina Curić, 15 godina, Holandija

Zovem se Amina i hoću da vam ispričam svoju priču o tome kako sam se pokrila.

Bilo je to davno. Svako me je pitao kada ću ja da počnem da nosim hidžab. Mene su ta pitanja nervirala i samo sam im kratko odgovarala da neznam. Znala sam ja da je to naređenje od Allaha subhane ve teala ali sam se ja još smatrala malom i da to još nije moja obaveza. Počeli su me roditelji i dajdže pripitivati i ubjeđivati. Bilo je teško jer sam bila prvi razred srednje škole i imala sam 14 godina. Htjela sam i ja da imam kosu i da pravim razne frizure kao i sve druge djevojke iz moje škole. Ustvari ja sve do tad nisam ozbiljno o tome razmišljala. Približilo se vrijeme ljetnog odmora i pitao me jedan drug moga oca, Amir, kad ću se ja pokriti. Ja sam opet kao i uvijek odgovorila da neznam. Međutim on to nije htio prihvatiti kao odgovor pa je rekao: *"Eh, ovaj put nema neznam, nego ćemo da nađemo jedan datum!"* Ja kažem da netreba određivati datum, da se ja inšAllah mislim pokriti. Ali on ne odustaje i kaže: *"Ne, ovaj put datum, da budem siguran da ćeš se pokriti."* Ja više nisam imala kuda te smo se dogovorili za datum **1. august 2004.** Pošto mi idemo na odmor rekao je da će me zvati toga dana da pita jesam li ispunila obećanje. Mama i babo su mi kupili poklon samo za vijest što ću početi nositi maramu. Dogovorili smo se sve i svako je bio obavješten da ću se pokriti toga dana. Svi bližnji su to znali i nadali se tome. Otišli smo u Sandžak na odmor, a ja tamo nikome ništa nisam rekla. Sve su to moja mama i babo već uradili. Bio je 31 juli i cijeli dan sam se nešto čudno osjećala. Kad sam legla da spavam samo sam razmišljala o tome kako ću ja izgledati sa maramom? Kako će me prihvatiti okolina u Holandiji? Kako će reagovati profesori i djeca u školi? Iako sam znala da je to obaveza svake muslimanke i da je to naređenje od Allaha subhane ve teala još nisam bila čvrsta i zato su me morila sva ta pitanja. U tom razmišljanju sam zaspala.

1 august 2004 !!!

Samo sam se nadala da me zove Amir. Nije ništa bilo do podne, a poslije podne je zazvonio telefon. Bio je to Amir. Moj babo je pričao malo s njim o onda sam ja uzela telefon. Htio je da priča samnom. Pitao je jesam li stavila maramu. Odgovorila sam negativno na što se on malo naljutio. Rekla sam mu još da ja sama znam kada ću to uraditi, i vratila telefon babi. Ostatak dana sam bila nervozna. Klanjali smo akšam i sjela sam sama u jednu sobu. Babo i mama i moje sestre su htjeli negdje da idu kod familije u susjedni grad. Rekla sam da ja neću ići tamo jer "ako mislite da se pokrijem onda je bolje da ostanem kući kod nane i daidže". Pristali su na to.

Ostala sam sama sa dajkom, dajnicom, njihovim djetetom i nanom. Dajnica je rekla da uzmem abdest i da se pokrijem. Uzela sam abdest, to je bilo lahko ali marama nije. Obukla sam se lijepo i moja dajnica je donijela jednu lijepu maramu sa kojom sam se pokrila. Dajnica Emina mi je napravila maramu. Počela je da plače od sreće a meni je bilo svejedno. Sa daidžom smo otišli u džamiju i klanjali jaciju. Ja sam bila cijelo vrijeme tužna. Sutradan su došli moji roditelji i odmah su me pitali ima li kakvih novosti. Ja ništa nisam odgovorila i oni su mislili da se nisam pokrila. Bilo mi je teško da gledam njihova tužna i ljuta lica, pa sam im rekla da ja od sada nosim maramu. Njima je bilo milo a meni baš i nije. Imala sam neki čudan osjećaj. Završio se odmor i mi smo se vratili u Holandiju. Kad sam otišla sa maramom u školu svi su bili začuđeni. No svi su me akceptirali i poštovali tu moju odluku. Dobila sam i komplimente od profesora i profesorica. To mi je puno olakšalo. Jedna Turkinja iz mog razreda je rekla da i ona razmišlja o marami i da se misli pokriti. Meni je bilo drago. Tek sada mi je postalo jasno da je ispravno to što sam uradila i da su briga i pitanja koja su me morila biti bez ikakve osnove. Poslije jesenskog odmora je i ta drugarica došla u školu sa maramom. Osjećala sam se zadovoljnom jer se ona vidjevši mene lakše odlučila na taj korak. Sada se evo skoro puni godina kako sam pokrivena i vidim kako je to lijepo. Zadovoljna sam što sam ispoštovala Allahov subhane ve teala zakon i što sam njegovom voljom i milošću pobjedila šejtana. Poneke sestre će pomisliti da je ljeti vrućina, ali nije, Allah ti olakša. Marama više nije teret kao što sam ranije mislila, ona je dio mene i ja sada zaista više ne bih mogla bez nje.

Hoću da se zahvalim mojim roditeljima što su mi pomogli i što su me bodrili. Amiru isto. Mojoj dajnici Emini što me je pokrila i svima drugima koji su mi na bilo koji način pokušali da olakšaju. Eto to je bila moja priča. Ispričala sam je u ime Allaha subhane ve teala da bi sve one sestre koje još nisu pokrivena ozbiljno o tome razmišljale. To nije lahko ali mi imamo pomagača, Milostivog, Samilosnog, pa ko učini jedan korak prema Allahu subhane ve teala on će deset prema njemu. Sestro draga, je li bolje da nosiš hidžab na ovom svijetu pa da uživaš u svim blagodatima na Ahiretu. I ti to radiš u ime Allaha subhane ve teala. Razmislite dobro, inšAllah se nećete pokajati. Esselamu alejkum

Molimo Allaha azze ve dželle da nagradi sestru Aminu na lijepoj priči o njenom pokrivanju i na uloženom trudu. Ovim putem pozivamo vas braćo i sestre da i vi napišete svoju priču i pošaljete je na e-mail bilenelasr@msn.com

Hidžra za Abesiniju

Safijjuraḥman El- Mubarekfuri

Zbog neizdrživih torturi mučenja muslimana od strane kurejšija, muslimani odlučiše u mjesecu redžepu, godine pete od poslanstva, da se iseli prva grupa ašaba u Abesiniju. Hidžru je učinilo 12 muškaraca i 4 žene. Grupu je predvodio Osman ibn Affan sa svojom ženom Rukajjom, kćerkom Resulullaha, alejhisselam. Za njih je Poslanik, alejhisselam, rekao: "Njih dvoje su prva porodica koja je učinila hidžru - Seobu na Allahovom putu, poslije Ibrahima, a.s, i Luta a.s." Ova grupa je krenula na put u kasno doba noći, kako ih Kurejšije ne bi vidjele i omele u namjeri. Došli su na obalu Crvenog mora u luku Šuajbet, a odatle ih povedoše dvije trgovačke lađe i prevezoše preko mora u Abesiniju. Kurejšije nisu nikako mogle otrpiti ovakav način obmane, pa krenuše putem njihovih tragova. Dok su oni došli do obale, muslimani su već krenuli bezbjedno. Primljeni su u Abesiniju kao dragi gosti. U Mekki su ostali samo oni koji su imali zaštitu.

Veličina Kur'ana

Jedne prilike je Allahov Poslanik alejhisselam otišao među ugledne kurejšije i njihove poglavare, dok su oni svi bili okupiti u haremu Kabe. Zatim im je počeo učiti suru An-Nedžm, oni su ostali bez daha slušajući ljepotu Kur'ana. Kad je Resulullah alejhisselam došao do zadnjeg ajeta, „Bolje padajte licem na tle

pred Allahom i klanjajte se!“ (An-Nedžm 62), proučio ga je, pa zatim učinio sedždu. Sve prisutne ugledne kurejšije učiniše također nesvjesno sedždu. Zatim kad primjetiše šta su uradili, pokajaše se mnogo zbog svog postupka. Muslimani koji su tad živjeli u Abesiniji, čuše za ovaj događaj i da su kurejšije primile islam, pa odlučiše da se vrate u Mekku. Kad su bili na sahat hoda do Mekke, saznaše pravu istinu o spomenutom događaju, te se nekolicina njih ponovo vrati u Abesiniju, a ostali udoše u Mekku tajno ili pod nečijom zaštitom. Zbog sve težeg stanja u Mekki, Resulullah, sallallahu alejhi ve sellem, nevidje drugog izlaza, nego predloži svojim drugovima da sa novim muslimanima ponovo idu u Abesiniju. Ova druga hidžra bila je mnogo teža od one prve. Kurejšije su ovaj put bile opreznije, pa odlučiše da ometu muslimane, ali su i ovaj put muslimani bili brži. Allah, dželle šanuhu, im olakša put, predoše u Abesiniju, zemlju dobrog kralja Nedžašije, prije nego ih ovi stigoše. Ovog puta iseli se 83 muškarca, ako je među njima bio Ammar, jer se ne zna tačno i 18 žena.

Kurejšijska zavjera protiv muhadžira u Abesiniji

Kurejšijama je bilo veoma teško što su muhadžiri (iseljenici) našli sigurno

utočište za sebe i svoju vjeru. Oni stoga, izabraše dva sposobna i oštroumna čovjeka, da ih pošalju za njima i to: Amr ibn El-Asa i Abdullah ibn Ebi Rebia. Po njima poslaše skupocjene darove kralju Nedžašiji i njegovim patrijarsima. Kad su ušli kod Nedžašije, rekoše mu: "O vladaru, u tvoju domovinu je stigla grupa brutalnih mladića, koji napustiše vjeru svoga naroda, a eto ne primiše ni tvoju vjeru. Dođoše s nekom novom vjerom koju ne poznamo ni mi, a ni ti. Nas poslaše tebi naši i njihovi velikodostojnici, među kojima su i njihovi očevi, amidže i rodbina, da ih njima vratiš. Oni će bolje paziti na njih, jer znaju njihovu sramotu zbog koje su ih i grdili." Nedžašija je smatrao neophodnim da sasluša i drugu stranu, kako bi stvar izveo na čistac. Stoga posla po muslimane i pozva ih da dođu kod njega. Oni dođoše. Svi su bili složni u istini i iskrenosti, ma koga se ona ticala. Nedžašija ih upita: "Zbog koje to vjere napustiste svoj narod, svoja ognjišta i svoje najbliže? Koliko znam, niste ni moju vjeru - kršćanstvo - primili, a ni vjeru nekog drugog naroda?" Džafer ibn Ebi Talib istupi ispred muslimana i reče: "O vladaru, pripadali smo narodu koji je živio u neznanju i zabludi. Obožavali smo kipove, jeli mrtvo meso, činili zabranjene stvari, kidali rodbinske veze,

Nastavak na sljedećoj strani

Od Muavije
r.a. se
prenosi da je
Allahov
Poslanik
sallallahu
alejhi ve
sellem rekao:
U mom će
ummetu do
Sudnjega
dana
postojati
skupina koja
će
biti ustrajna
na Istini,
neće joj
naškoditi
njeni
neistomišljen
ici niti oni
što je na
cijedilu
ostave.


Muttefekun
alejhi



Frejus džamija

Enes r.a. prenosi da je Allahov Poslanik sallallahu alejhi ve sellem rekao: Nijedan od vas neće biti pravi vjernik, dok mu ja ne budem draži od njegove porodice, njegovog imetka i svih ljudi."

Buhari



posjetite
www.jasnauputa.com

uznemiravali komšije, jači od nas tlačio je slabijeg. Eto, tako smo živjeli sve dok nam Allah, dž.š., ne posla Poslanika. Iz našeg naroda je, znamo mu lozu i porijeklo. Znamo da je iskren, povjerljiv i pravedan. On nas pozva da vjerujemo samo jednog Boga i da se samo Njemu pokoravamo. On nas poduča da se odrekemo vjere koju smo manifestovali, mi i naši očevi, vjere u mnogo kipova i kumira. Naredi nam da samo istinu govorimo, da budemo ljudi od riječi i povjerenja, da poštujemo i obilazimo rodbinu, da lijepo postupamo sa komšijama. Naredi nam da prestanemo činiti zabranjena djela, da ne govorimo laži, da ne jedemo imetak siročadi

(jetima), da ne potvaramo i da ne ogovaramo čestite žene. Naredi nam da se pokoravamo samo Allahu, Jednom, Jedinom, da Mu šrik ne činimo (drugo božanstvo Njemu ravnim smatramo). Naredi nam da namaz (molitvu) obavljamo, zekat dajemo (dio od svog imetka) i post postimo." Džafer mu nabroja osnovne temelje Islama pa nastavi: "Mi sve to od njega za naredbu primismo, jer vjerovasmu njegovim riječima. Stoga povjеровasmu i u njegovo poslanstvo i počesmo slijediti njegove upute. Postadosmo muslimani i počesmo ispoljavati Islam. Mi samo Allaha vjerujemo, druga Mu ne prepisujemo, zabranjujemo ono što je nama zabranjeno, dozvoljavamo ono što je nama dozvoljeno. Eto, zbog toga nas zamrzi naš narod,

zbog toga nas na muke staviše i na silu nas htjede od naše vjere odvratiti i ponovo kipovima i kumirima prikloniti, da opet počnemo činiti sve ono što smo činili prije Islama! Pa pošto nas na to počеше silom, prijetnjom i mučenjem prisiljavati i vjeru našu u nama ubijati, dođosmo u tvoju zemlju. Izabراسmo tebe za domaćina mimo



drugih vladara i zemalja. Tvoju zaštitu poželjesmo, jer smo čuli da niko u tvojoj zemlji uznemiravan nije bio."

Pravedni Nedžašija

Nedžašija upita Džafera: "Imaš li kod sebe nešto od Allahove Objave?" Džafer odgovori; "Da!", "Onda mi pročitaj" - reče Nedžašija. Džafer ustade prouči početak sureta "Mejrem." Nedžašija je plakao, plakao je i sva mu je brada bila mokra od suza, plakali su njegovi patrijarsi i od plača se pokvasiše njihove biblije koje uvijek otvorene drže u ruci. Nedžašija im se obrati: "Ovo što sam čuo, i riječi koje su Isau objavljene, dolaze iz istog "Izvor", idite, slobodni ste! Ja vas, tako mi Boga, neću predati ovima. Amr i Abdullah izadoše osramoćeni, pa Amr reče svome drugu:

"Sutra ćemo ponovo doći!" Sutradan obojica odoše kod Nedžašije i Amr odpoče: "O vladaru, ti pomilova one jučer, a da znaš šta samo njihova vjera kaže o Isau!?" Nedžašija posla po muslimane da dođu, postavi im pitanje o Isau, a Džafer odgovori: "O Isau mi znamo samo ono što smo čuli od našeg, Resulullaha, alejhisselam: "Isa je Allahov rob i Njegov vjerovjesnik". On je sin Merjemin, (čedne djevice koja je na Allahovu odredbu; "Budi - i ono biva", dobila dijete), on je Božiji dah života i Njegova riječ koju je predao djevici Merjemi. Nadžašija im reče: "Tako mi Boga, ovo što ste rekli o Isau, spasilo vas je, zatim pokaza

na štap položen između sebe i muslimana pa reče: "Nas samo razdvaja koliko ova crta od štapa." Zatim reče muslimanima: "Idite, vi ste bezbjedni u mojoj zemlji. Ko vas napadne, biće kažnjen! Ne bih dozvolio, za čitavo brdo blaga, da se nekom od vas nanese zlo." Potom se okrenu svojim podanicima i reče: "A ovoj dvojici vratite sve darove koje su donijeli. Meni ne trebaju, tako mi Boga, s mitom nisam ovaj prijesto ni dobio, a kamol da s mitom ove izručim."

U idućem broju inšaAllah: "Hamzino i Omerovo primanje islama"

Preuzeto iz knjige:

„ZAPEČEĆENI
DŽENNETSKI
NAPITAK"

El-Asr

Širenje kosmosa

Piše Refiz Duro, student Astronomije, Norveška

Allah dželle šanuhu nam u Kur'anu spominje znakove na nebesima. Tako se spajaju znakovi koji su manji, a uz to znakovi koji su veći. Sunce, Mjesec, planete i zvijezde možemo shvatiti kao naše susjedstvo, ali samo onda kada gledamo kosmos u cjelini. Jer dok se neki susjedi spominju kroz Kur'an, također se spominje i čitava cjelina: *kosmos*.

Pogled u prošlost

Poznati fizičar Albert Einstein je kroz pokušaj spajanja i povezivanja materije, prostora, vremena i gravitacije u jednu teoriju, Generalnu Teoriju Relativnosti, došao do iznenađujućih rezultata koji se tiču kosmosa. Naime, kada je pokušao da ovom teorijom opiše naš kosmos, osobine kosmosa i ono što se krije iza istih, otkrio je nešto što je do tada bilo suprotno od prihvaćenog statičnog svemira: da se svemir širi ili sužava. Nekoliko godina kasnije, tačnije 1929-e, Edwin Hubble je otkrio da se galaksije udaljavaju od nas, uz to da se i odstojanjem od nas i brže udaljavaju. Ovo je promijenilo tok čitave nauke o kosmosu.

Proces širenja

Hubble, koji je također bio prvi koji je dokazao da naš kosmos sadrži mnoge druge galaksije pored našeg Mliječnog puta, primjetio je nešto interesantno: galaksije se udaljavaju od nas brzinom koja je proporcionalna s daljinom. Što je galaksija udaljenija, to je njena brzina udaljavanja od nas viša. Ova relacija je poznata kao Hubble-ov zakon. Figurativno, ovo nam daje linearnost koja za sobom povlači druge činjenice. Glavna od tih je da nam govori da kosmos, ne samo da se širi, već i da je to širenje jednoliko. Šta ovo tačno znači? Kao prvo, u kojoj god galaksiji da se čovjek nalazi, opet izgleda da se ostale galaksije udaljavaju od njegove. Iz ovog pravila se izdvajaju bliske galaksije čija gravitacija "nadjčava" širenje kosmosa. Kao drugo, ovo također znači da se galaksije ne pokreću *kroz* prostor, već da se pokreću **zajedno** sa prostorom koji se širi. Jedna dvodimenzionalna asocijacija nam može pomoći. Zamislite balon na kojem su nacrtani manji krugovi, neplanski raspoređeni. Ovi krugovi predstavljaju galaksije, dok sama površina balona predstavlja svemir. Dok pušete balon, on postaje sve veći, ali sami krugovi (za koje pretpostavljamo da su statični, nepromjenjive veličine) su još uvijek na istom mjestu na balonu. Ali pošto se sam balon povećava i same galaksije se udaljavaju u odnosu jedna na drugu (Figura 2).




Figura 2: Galaksije (mrlje) na površini balona su efektivno na mjestu, ali pošto se sam kosmos širi, dolazi do povećanja rastojanja između galaksija


Zašto širenje?

Astronomi prikupljaju informacije iz kosmosa preko teleskopa, preko raznih talasnih dužina koje nam zvijezde i ostali izvori iz kosmosa šalju. Ove informacije se tada koriste u predstavljanju modela koji daje nova predskazivanja. Astronomska promatranja se opet koriste da bi se ova predskazivanja potvrdila i model prihvatio, a u suprotnom, da bi se model odbacio i tražio novi.

Dvadeseti vijek je bilo vrijeme raznih modela kosmosa, i borbe između istih. Najznačajnija je bila borba između modela statične strukture (*Steady State*) koji je pretpostavljen da je oduvijek postojao i novog, takozvanog modela Velikog Praska (*Big Bang*) koji ima svoj početak u vremenu (Figura 1). Prvi spomenuti je uveliko odbačen na osnovu sve veće količine informacija koje se prikupljaju svakim danom. Drugi model koji je uveliko prihvaćen danas, povlači za sobom nova pitanja. Neka od pitanja se bave sudbinom kosmosa i razlogom širenja istog. Sudbina kosmosa koji je započet u samom Big Bang-u se grubo može opisati jednim od tri modela: 1) Ekspanzija sa usporavanjem, zatim trenutačnim zaustavljanjem i napokon kontrakcijom u takozvani *Big Crunch*; 2) Ekspanzija sa usporavanjem, tek u beskonačnosti dolazi do zaustavljanja ekspanzije. Ovaj model je bez kontrakcije. Granica između prvog i trećeg modela. 3) Ekspanzija kosmosa, koja se ne zaustavlja.

Nastavak na sledećoj strani

Figura 1: Evolucija svemira



Sva tri modela zavise od količine materije koja se nalazi u kosmosu koja prouzrokuje određenu gravitaciju. Prvi model je kao bacanje jabuke u vazduh gdje je gravitacija dovoljno jaka da nam vrati tu jabuku nazad na zemlju. Treći model je kao bacanje jabuke u vazduh tolikom brzinom da "nadjačava" silu gravitacije i jabuka se zauvijek udaljava od nas, dok je drugi model između ove dvije situacije. Rješenje leži u određivanju količine mase u kosmosu, kojim bi se odredila jačina gravitacije i definitivno koji model najbolje opisuje kosmos u kojem živimo. Posljednjih godina je otkriveno i to da se kosmos širi *sve većom brzinom*. Ova činjenica definitivno govori protiv toga da je gravitacija

dominirajuća, a s tim da je i odbacivanje modela Big Crunch-a neminovno. Razlog ove povećavajuće brzine naučnicima još nije definitivno poznat i jedno je od najaktivnijih područja istraživanja. Ključna riječ u istraživanju je *energija vakuma* ili *tamna energija* čije svojstvo utiče na širenje kosmosa.

Islamski pogled

"Mi smo nebo moći Svojom sazdali, i Mi smo, uistinu, Oni koji ga šire." (Ez-Zarijat, 47) "Nebo" u kontekstu ovog ajeta se koristi u značenju kosmosa, a ajet nam direktno ukazuje na njegovo širenje i rasprostranjivanje. *"Zar ne znaju nevjernici da su nebesa i Zemlja bili jedna cjelina, pa smo ih Mi raskomadali, i da Mi od vode sve živo stvaramo? I zar neće vjerovati?"* (Al-Anbiya 30) Gledajući ove ajete u kontekstu rezultata i teorija do kojih je došla nauka današnjice i vremena u kojem je Kur'an objavljen, možemo zaključiti da se u Kur'anu skrivaju mnoge druge naučne činjenice do kojih nauka tek treba da dođe, kao što Uzvišeni Allah i nagovještava ajetom: *"Mi ćemo im pružati dokaze Naše u prostranstvima svemirskim, a i u njima samim, dok im ne bude sasvim jasno da je Kur'an istina. A zar nije dovoljno to što je Gospodar tvoj o svemu obaviješten?"* (Al-Fussilat 53) Također je važna napomena o sudbini kosmosa, iako nauka može da kaže da će se kosmos beskonačno širiti, dolazi nam Smak svijeta u kojem zakoni fizike ne moraju više da utiču na okolinu, Allah Uzvišeni kaže: *"Allah zna tajne nebesa i Zemlje! A Smak svijeta će u tren oka doći, ili još brže, jer je Allah, uistinu, Svemoćni!"* (An-Nahl 77)

Pomozite i vi



www.pomoc.ba

Od Ebu Hurejre radiallahu anhu se prenosi da je rekao: "Allahov Poslanik sallallahu alejhi ve sellem je rekao: Nema ni jednog dana u kojem osvanu robovi, a da ne siđu dva meleka pa jedan govori: Allahu moj, nadoknadi onome ko daje, a drugi govori: Allahu moj, daj propast onome koji ne daje."

Muttefekun alejhi

Rekao je Poslanik sallallahu alejhi ve sellem: Post je zaštita, a sadaka gasi grijehe kao što voda gasi vatru.

Bilježe Ahmed, Tirmizi, Bejheki i dr.

Doprinos muslimana kriptologiji

Postoji jedan segment blistave prošlosti islamskog ummeta na polju nauke kojem je posvećeno nedovoljno pažnje. Činjenica je da je i mnogim muslimanima, na žalost, nepoznat doprinos kojeg je dala islamska civilizacija na polju kriptologije. Žalosno je da o tome pišu nemuslimani, ali se nadamo da će se, uz Allahovu, pomoć pojaviti oni koji će pokušati da obrišu prašinu sa djela istaknutih islamskih učenjaka iz raznih oblasti, okoriste se njima i praktično ih sprovedu u život, te samim tim povrate sjaj islamskoj civilizaciji kako bi ona ponovo zasijala svojim punim sjajem umjesto da se zrake njene svjetlosti probijaju tu i tamo kroz debele naslage prašine.

Šta je to kriptologija?

Kriptologija je nauka koja se bavi odgonetanjem tajnih pisama, tj. dešifrovanjem. Šifriranje se pojavilo iz potrebe da se važne poruke šalju do određene osobe u krajnoj tajnosti. Pošto je postojala mogućnost da ta poruka padne u ruke neprijatelju, bilo je neophodno da se i nakon toga sačuva njena tajnovitost. To se postiglo na taj način što je pisana tajnim pismom, tj. šifrirana. Tekst poruke bi se mjenjao simbolima, drugim slovima, brojevima i sl., na određeni način koji je bio poznat onome ko je tu poruku slao i onome kome je ona bila najmjenjena. S druge strane, pojavom tih poruka koje su

pisane tajnim pismom, pojavila se potreba da se spozna način na koji se one mogu odgonetnuti (dešifrovati) ako bi se došlo do njih. Sam taj način na koji su pisane ukazivao je na njihovu važnost, a to je opet ukazivalo na to koliko je bilo važno da se one dešifruju. Danas je potreba za tajnim pismom, tj. šifriranjem postala jako velika i veoma raspostranjena. Njena najčešća upotreba je u vojsci i diplomatiji.

Kriptologija se rodila kod Arapa

Kriptologija se rodila kod Arapa. Oni su prvi otkrili i z a p i s a l i m e t o d e k r i p t o a n a l i z e . Taj narod, koji je u VII st. eksplozivnom snagom jurnuo iz Arabije i zatim osvojio golema područja tada poznatog svijeta, brzo je stvorio jednu od najviših civilizacija što su ikada postojale. Procvala je arapska znanost. Arapska medicina i matematika postale su najbolje na svijetu - i zapravo baš iz arapske matematike potječe riječ "šifra". Bujale su različite praktične vještine. Razvili su se i usavršili razni administrativni postupci i metode. Silne stvaralačke energije te kulture, koja se zbog vjerske zabrane nije mogla baviti slikarstvom i kiparstvom, ali ju je zato nadahnjivalo tumačenje Kur'ana, sručile su se, kao bujica u literarno stvaralaštvo, a gramatika je postala jedna od važnih znanosti. Tome treba dodati

bavljenje tajnim pismom. U Turskoj je to tajno pismo bilo poznato pod nazivom *Misirli* ("egipatsko"), u Egiptu kao *Shami* ("sirijsko"); u Siriji kao *Tadmuri* ("palmirsko"). U jednom manuskriptu o ratnoj vještini, što je po svojoj prilici napisan u Egiptu u XIV stoljeću, šifrom su pisani podaci o ključno važnim sastojinama neke zapaljive smjese koja se bacala u opsjednute tvrđave. Muslimanske države, doduše vrlo rijetko, upotrebljavale su u političke svrhe šifre (a ne kodove).

Izgubljenost i zaborav

Gubitkom islamske države i halife (vođe svih muslimana), okupacijom islamskog svijeta, nametanjem da su samo druge kulture i civilizacije napredne, muslimani zaboravljaju na vrijeme kada im je Uzvišeni Allah podario da u svemu budu napredniji od ostalih. Nadamo se da će ovo što smo naveli biti posticaj makar nekome od muslimana ko će, u najmanju ruku, pokušati da očisti naslage prašine koje su prekrile sjaj bogate i blistave islamske civilizacije. Ustalom, ko zna šta se sve krije ispod te prašine i kakva su nam bogata znanja nepoznata. Islamska civilizacija je poput sjajnog i skupocjenog pehara na kojem se nakupila prašina i prekrila njegov sjaj. Tek kad obrišemo prašinu sa njega, znat ćemo koliko je blistav i koliko vrijedi.

El-Asr

Omer r.a.

govorio je:

"Ko se stidi bit

će

neprimjetan, a

ko je

neprimjetan

bit će

bogobojazan,

ako bude

bogobojazan

spasit će se."



El-Džerradž ibn

Abdullah el-

Hikemi,

rahimehullah,

a bio je heroj

Šama, veli:

"Četrdeset

godina sam zbog

stida ostavljao

grijehe, i tek

nakon toga

stigla mi je

istinska

pobožnost."

Itikaf

Šejh Nasiruddin El-Albani, rahimehullah

Njegovo propisivanje:

1. Itikaf (osamljivanje u mesdžidu) je preporučen čin u ramazanu kao i u drugim danima godine. Osnova ove tvrdnje se nalazi u Allahovim riječima: **"dok ste u i'tikafu u džamijama"** (prevod, 2:187). I postoje mnogi vjerodostojni hadisi od Poslanika alejhisselam koji se odnose na 'itikaf kao i mnoge predaje od selefa. One su spomenute u Musnefu od Ibn Ebi Šejbe i 'Abdur-Rezzaqa. Pouzdano se zna da je Poslanik, sallallahu alejhi ve sellem, bio u 'itikafu u zadnjih 10 dana Ševala(1), i da je Omer r.a. rekao Poslaniku sallallahu alejhi ve sellem: " Zakleo sam se (Allahu) u danima neznanja da ću biti u 'itikafu jednu noć u Mesdžidi-l-Haramu?" Na to Poslanika, sallallahu alejhi ve sellem, reče: "Ispuni svoju zakletvu." Tako je i učinio 'itikaf u toku jedne noći.(2)

2. Obavljanje u ramazanu je utvrđeno na osnovu hadisa Ebu Hurejre r.a.: *"Allahov Poslanik, sallallahu alejhi ve sellem, bi bio u 'itikafu deset dana u svakom ramazanu. Osim u godini u kojoj je umro kada je bio u 'itikafu dvadeset dana."*(3)

3. Najbolje doba za 'itikaf je zadnji dio ramazana zato što bi Poslanik, sallallahu alejhi ve sellem, bio u 'itikafu zadnjih deset dana ramazana sve dok Allah nije uzeo njegovu dušu (tj. dok nije umro).(4)

Njegovi uslovi/šartovi

1. Može se obavljati jedino u mesdžidu na osnovu Husein Pašina Džamija Pljevlja Allahovih riječi: **"Sa ženama ne smijete imati snošaja dok ste u i'tikafu u džamijama"** (prevod, 2:187). Aiša, r.a., je rekla: *"Sunnet za onoga koji je u 'itikafu je da ne napušta mesdžid osim zbog potrebe koju mora da izvrši. On ne smije prisustvovati dženazi niti bi smio dodirivati svoju ženu ili imati spolni odnos s njom. I nema 'itikafa osim u mesdžidima u kojima se klanja namaz u džematu. I Sunnet je da onaj koji je u 'itikafu da posti (dan kada je u 'itikafu)."*(6)

2. Mesdžid bi takodjer trebao biti mesdžid u kojem se

obavlja džuma namaz da ne bi morao biti prisiljen da napušta mesdžid radi klanjanja džume namaza. Ovo je radi toga što je odlazak na džumu obaveza na osnovu izjave od Aiše r.a. koja u jednoj predaji ranijeg hadisa kaže: *"Nema 'itikafa osim u mesdžidu u kojem se klanja džuma."*(7) Dalje sam došao do vjerodostojnog hadisa koji jasno specificira da "masaajid" spomenut u prethodnom ajetu se odnosi na tri mesdžida: "Masjid Al-Haraam, Masjid An-Nabawee i Masjid Al-Aqsaa"(8) Prema onome do čega sam ja došao je da od selefa koji imaju ovo mišljenje je Huzejfe Ibn El-Jeman, Said Ibn El-Musejib i Ata. Medjutim Ata nije spomenuo Mesdžid El-Aksu. Drugi su mišljenja da je to bilo koji mesdžid u kojem se klanja džuma, bez restrikcije. Opet neki se ne slažu i kažu da se može činiti čak i u mesdžidima

kod kuća. A nema sumnje da se trebamo držati onoga što je u skladu sa hadisom i da je to ono što treba da se slijedi. Allah neka je Uzvišen i Hvaljen zna najbolje.

3. Od Sunneta je da onaj koji je u 'itikafu posti kako je preneseno od Aiše r.a.(9)


Šta je dozvoljeno za osobu u 'itikafu

- Dozvoljeno je da napusti mesdžid radi nužde. I dozvoljeno je da izviri glavu iz mesdžida da je opere i počešlja. Aiša r.a. je rekla: *"Allahov Poslanik sallallahu alejhi ve sellem bi provirio glavom u mom prisustvu dok je bio u 'itikafu u mesdžidu, a ja sam bila u stanu. Onda bi mu počešljala kosu (u jednoj predaji: oprala bih je iako su bila vrata između nas, a ja sam imala menstruaciju). I on*

sallallahu alejhi ve sellem, ne bi ulazio u kuću osim kada bi imao nuždu, za vrijeme 'itikafa."(10)

- Dozvoljeno je biti u itikafu, a i drugima da uzimaju abdest u mesdžidu na osnovu izjave čovjeka koji je služio Poslanika, sallallahu alejhi ve sellem,: *"Poslanik, alejhisselam, bi uzimao lakši abdest u mesdžidu."*(11)

- On može da postavi mali šator u pozadini mesdžida u kojem bi činio 'itikaf. Pošto je Aiša r.a. postavljala khibaa (šator) za Poslanika sallallahu alejhi ve sellem kada bi on



Husein Pašina Džamija Pljevlja

činio 'itikaf. I to je bilo po njegovom sallallahu alejhi ve sellem, zahtjevu. Jednom je činio 'itikaf u malom šatoru koji je imao asuru koja je pokrivala ulaz u njega.

Dozvola za ženu da bude u 'itikafu i da posjeti svoga muža (koji je u 'itikafu) u mesdžidu:

- Dozvoljeno je ženi da posjeti svoga muža dok je u 'itikafu. I on može da je otprati tj. da ode sa njom do vrata mesdžida na osnovu jedne izjave Safije r.a.: *"Poslanik, sallallahu alejhi ve sellem, je bio u 'itikafu za vrijeme deset zadnjih dana ramazana tako da samo otišla jedne noći da ga posjetim, a njegove žene su bile s njim. Pričala sam s njim jedan sahatt i onda ustala odlazeći, a on je rekao: "Ne žuri ja ću izaći s tobom." Tako da se ustao da me otprati vani."* A njeno mjesto stanovanja je bilo u kući Usume Ibn Zejda. Onda su hodali dok nisu došli do vrata mesdžida koja su bila pored vrata Umu Seleme. Dvojica Ensarija su prolazili i kada su vidjeli Poslanika sallallahu alejhi ve sellem požurili su odatle. Onda je Poslanik sallallahu alejhi ve sellem rekao: *"Usporite! ovo je (moja žena) Safija Bint Huzai"* A oni su rekli: *"SubhanAllah, Allahov Poslaniče."* On, sallallahu alejhi ve sellem, je rekao: *"Uistinu šejtan kruži čovjekom kao što krv kruži kroz tijelo. I bojao sam se da bi mogao da vam stavi neko zlo u vašu srca."* (Ili je on, sallallahu alejhi ve sellem, rekao: *"nešto u vašu srca."*) (15) Nego je čak dozvoljeno za ženu da čini 'itikaf zajedno sa mužem u mesdžidu ili sama i to na osnovu izjave Aiše r.a.: *"Jedna od žena Allahovog Poslanika sallallahu alejhi ve sellem je bila u 'itikafu s njim dok je bila u stanju istihaze (krvarenje između perioda; u drugoj predaji navodi da je to bila Umm Selema) i ona je vidila crvene (krv) ili žućkaste tragove (kako izlaze iz nje). I nekada bi stavili podmetač-prostirku ispod nje kada bi klanjala."* (16) I ona je takođe rekla: *"Poslanik, sallallahu alejhi ve sellem, bi bio u 'itikafu zadnjih deset dana ramazana sve dok nije umro. Njegove žene su bile u 'itikafu poslije njega."* (17) U ovome imamo dokaz da je dozvoljeno i za žene da obavljaju 'itikaf. I nema sumnje da je to pod uslovom da im njihovi staratelji to odobre. I pod uslovom da je to mjesto čisto od svake fitne i mješanja sa muškarcima na osnovu mnogih dokaza kao i na fikhskom pravilu: "Sprečavanje jednog zla ima prvenstvo nad uvođenjem dobra."

- Spolni odnos nulira 'itikaf na osnovu Allahovih, subhanehu ve te'ala riječi: **"Sa ženama ne smijete imati snošaja dok ste u 'itikafu u džamijama"** (prevod, 2:187) I Ibn Abbas, r.a., je rekao: *"Ako osoba koja je u 'itikafu ima spolni odnos onda to poništava njegov 'itikaf i mora ga započeti nanovo."* (18) Nema otkupa (haffaraah) što vezuje za nedostatak bilo čega što je spoemnuto o tome od Poslanika, sallallahu alejhi ve sellem, i njegovih ashaba.

Fusnote:

(1) Ovo je dio hadisa od Aiše koji prenose Buhari, Muslim i

Ibn Huzejme u njihovim sahih zbirkama.

(2) Prenose Buhari, Muslim i Ibn Huzejme. Ima dodatak kod Buharija u jednoj predaji kao što je objavljeno u mome sažetku na njega (995).

(3) Prenose Buhari i Ibn Huzejme u njihovim sahih zbirkama.

(4) Prenose Buhari, Muslim i Ibn Huzejme (2223)

(5) Sura El-Beqare 187.

(6) Prenosi El-bejheki sa vjerodostojnim lancem i Ebu Davud sa dobrim lancem prenosilaca.

(7) Bejheki prenosi od ibn Abbasa da je rekao: "Uistinu najmrže stvari Allahu su novotarije. A uistinu je od novotarija obavljanje 'itikafa u mesdžidima koji su locirani u kućama."

(8) Prenosi Tahavi i El-Ismaili i Bejheki sa vjerodostojnim lancem prenosilaca.

(9) Prenosi Bejheki sa vjerodostojnim lancem prenosilaca i od Ebu Davuda sa dobrim lancem prenosilaca. Imam Ibn Kajim je rekao u Zaad El-Mead-u: "Nije preneseno od Poslanika s.a.w.s. da je bio u 'itikafu bez posta. Nego je Aiša r.a. rekla: 'Nema 'itikafa bez posta.' I dalje, Allah nije spomenuo 'itikaf bez posta. I Poslanik s.a.w.s nije ga činio bez posta. Tako da ispravno mišljenje je dokaz kojeg većina učenjaka se drži: da je post uslov za 'itikaf. I ovo je mišljenje koje je sejh-ul-Islam Ebul-'Abbas ibn Tamija favorizovao." (10) Prenose Buhari, Muslim, Ibn Ebi Šejbe i Ahmed.

(11) Prenosi Bejheki sa dobrim lancem prenosilaca i Ahmed (5/364) u skraćenoj formi sa pouzdanim lancem prenosilaca.

(12) Khibaa je tip kuće koju su Arapi pravili od kože/krzna ili vule, a ne pravi se od kose. I postavlja se na dva tri držača.

(13) Prenose Buhari i Muslim.

(14) To je dio hadisa od Abu Seida El-Hudrija a prenose ga Muslim i Ibn Huzejme u sahihima.

(15) Prenose Buhari, Muslim kao i Ebu Davud, a zadnji dio je od Ebu Davuda.

(16) Prenosi Buhari

(17) Prenose Buhari, Muslim i ostali

(18) Prenose Ibn Ebi Šejbe (3/92) i 'Abdur-Rezaq sa vjerodostojnim lancem prenosilaca. I pod riječima: "mora ga započeti nanovo" se misli da mora opet učiniti 'itikaf.



Posljednji gost

Ummu Selema, r.a. je rekla: "Allahov Poslanik, sallallahu alejhi ve sellem, je ušao kod Ebu Seleme, kad mu se već pogled bio ukočio. Zatvorio mu je oči i rekao: «Kada se uzme duša, pogled je prati.» Zapomagala je njegova porodica. Resulullah, sallallahu alejhi ve sellem, reče: «Molite za sebe samo ono što je dobro. Meleki uistinu aminuju na sve što izgovorite.» Zatim je rekao: "Allahu, oprosti Ebu Selemi. Podigni njegove stepene među onima koji su upućeni. Nadomjesti njegovim nasljednicima dobrim za njega. Oprosti i nama i njemu, Gospodaru svjetova. Proširi mu kabur i osvijetli mu ga."

Muslim

Dragi brate i poštovana sestro, da li znaš ko je tvoj posljednji posjetilac, i tvoj posljednji gost? Da li znaš šta smjera sa susretom i posjetom tebi? Šta to on želi od tebe? On, doista, ne dolazi iz želje za tvojim imetkom, ili da jede i pije sa tobom, ili da traži od tebe pomoć radi vraćanja duga, ili da se zauzmeš za njega kod nekog, ili da mu završiš posao koji on ne može dovršiti?! On dolazi tebi u posjet, sa određenim zadatkom, i specifičnom stvari, koju ne možeš, niti ti, niti tvoja porodica, niti tvoja rodbina, čak ni stanovnici zemljine kugle skupa, spriječiti, i odvratiti?! Šta više i ako budeš živio u visokim dvorima, i budeš se štitio bedemima tvrdim, i t o r n j e v i m a blindiranim, i budeš u ž i v a o među tjelohraniteljima, čuvarima i stražarima, nećeš ga moći spriječiti od prilaza tebi, i od sastanka i

raščićavanja računa sa tobom?! On, da bi do tebe došao, ne treba vrata, niti dozvolu za ulazak, niti treba prethodno zakazati termin za sastanak, kako bi te posjetio, već će ti doći u bilo koje vrijeme, u kakvom god stanju ti bio, zauzet ili na pauzi, zdrav ili bolestan, bogat ili siromašan, musafir ili mukim. Taj gost, dragi brate, nije nježna srca, kako bi mogle na njega utjecati tvoje riječi,

tvoj plač, ili možda tvoji krici, ili dozivanje u pomoć. Nije mu obaveza da sa tobom postupa blago, ili da ima obzira prema tebi. On, takode, ne prima nikakvu hediju, niti mito, zato što sva bogatstva ovoga svijeta njemu ništa ne predstavljaju, niti za njega ništa znače, nit će ga odvratiti od njegove nakane. On, želi tebe ... ništa



osim tebe ... želi te cijela, a ne samo dio tebe ... želi - da te nema, i da ti dođe kraju ... želi ti smrt, da ti uzme dušu ... želi tvoju propast ... i umrtvljenje tvoga tijela!!!

To je Melek smrti !!!

Uzvišeni Allah, dželle še'nuhu, kaže: "Reci: "Melek smrti, koji vam je za to određen, duše će vam uzet, a poslije ćete se Gospodaru svome vratiti." (Sedžda, 11)

U drugom ajetu Uzvišeni Allah, dželle šanuhu, kaže: "... a kad nekom od vas smrt dođe, izaslanici Naši mu, bez oklijevanja, dušu uzmu." (El-En'am, 61)

Dragi brate, zar ne znaš da je posjeta "Meleka smrti" nešto neizbježno, i odredba od prije poznata, koliko god ti život bio dug ili kratak. Zar ne znaš da sa smo svi mi na

ovom svijetu putnici, a da li je moguće da se do željenog ishodišta ne stigne? Zar ne znaš da je tok života blizu kraja, i da se vlak života približio svojoj posljednjoj stanici? Neki od pobožnjaka je čuo plač za umrlim, pa reče: "Gle čuda, putnici plaču za onim, koji je već stigao na svoje o d r e d i š t e ! " „Brate ...Još uvijek si na putu ...završićeš, proći će put...šta ćeš reći kada budeš u patnji? ...šta ćeš izgovoriti kada budeš na samrti? ...šta ćeš

reći kad budeš položen na krevetu, u trenutku dok suze budeš lio?... šta ćeš reći kad budeš u grobu?... šta ćeš izgovoriti, kad zemlja iznad tebe bude?... šta ćeš reći, a već si dočekao ono s čime jezde kiše i vjetrovi? ...!?!?!" Volio bih dragi brate, da ne budeš od sljedećih: "A kako će tek biti kad im meleci budu duše uzimali, udarajući po obrazima, i po leđima

njihovim." (Muhammed, 27) "... kojima su melec duše uzeli u času kad su nevjernici bili. I oni će se pokoriti, i reći: - Mi nismo nikakvo zlo činili! Jeste. Allah, doista, dobro zna ono što ste radili, zato ulazite na kapije Džehennema, u njemu ćete vječno ostati! O, kako će grozno biti prebivalište onih koji su se oholili!" (En-Nahl, 28-29) Dragi brate, zar nisi svjestan toga da se sa posjetom "Meleka smrti"

tebi završava život, prekidaju djela, i savijaju stranice tvojih dobrih djela?! Jesi li svjestan da nakon njegove posjete nećeš moći steći nijedno dobro djelo, niti ćeš moći klanjat' dva rekata namaza, niti ćeš moći proučiti ajet iz Allahove knjige, niti ćeš moći izgovoriti "subhanallah"; "elhamdulillah"; "la ilahe illallah"; niti

"Allahu ekber", niti "estagfirullah". Ni jedanput! Nećeš moći postiti dan, niti podijeliti najmanju sadaku. Nećeš moći obaviti hadždž i 'umru, niti ćeš moći ukazati na dobro svojim komšijama ili rođacima. Prošlo je vrijeme rada. Ostalo je svođenje računa, i djeljenje plata?!

Nagrada za dobra i kazna za loša djela

"Kad nekom od njih smrt dođe, on uzvikne: Gospodaru moj, povрати me da uradim kakvo dobro u

onome što sam ostavio! Nikada! To su riječi koje će on uzalud govoriti - pred njima će prepreka biti sve do Dana kada će oživljeni biti." (El-mu'minun, 99-100) Pa, moj brate, gdje je tvoja priprema, za susret sa "Melekom smrti"? Gdje je tvoja priprema za ono što poslije njega slijedi? Za kabur? Za ispitivanje u njemu? Za hašr (okupljanje)? Za djeljenje stranica djela? Za svođenje računa? Za

primjetiti osim ono što je sebi pripradio. Nakon toga pogledat će ispred sebe, i neće vidjeti ništa drugo do vatre naprema svome licu; stoga se čuvajte (vatre), pa makar sa pola hurme; pa makar sa lijepom riječju." (muttefekun alejhi)

Brate ... Smrt nas doziva svakog trena, ...a mi, i ne obraćamo pažnju na njen zov. ...Disanje naših duša konstantno se smanjuje. ...ali se naši grijesi, konstantno uvećavaju. ...Kao što je sjetva koja žutilom završava, ...nema joj lijeka, osim u žetvi. !!!

El-Asr

Ebu-Hurejre r.a. prenosi da je Poslanik alejhisselam rekao: "Jak vjernik bolji je i Allahu draži od nekakvog vjernika, a u obojici je hajr (dokle su vjernici). Žudi za onim što će ti koristiti, od Allaha pomoć traži i nemoj biti kukavica. Ako te nešto neprijatno zadesi nemoj reći: Da sam uradio drugačije ne bi ovo bilo, nego reci: Allah je odredio ono što je htio, i to uradio, jer riječ "da je" otvara šejtanska vrata" (Muslim)



Jahja ibn Ebi Kesir, rahimehullah, rekao je: "Nikada čovjek nije očistio svoj govor, a da to nisam opazio na njegovim ostalim djelima, a nikada nijedan čovjek nije opoganio svoj govor, a da to nisam primijetio na ostalim njegovim postupcima."



Nagradna igra

KUPON ZA

NAGRADNU IGRU

Vasi podaci:

IME: _____

PREZIME: _____

ADRESA: _____

BROJ TELEFONA: _____



Odgovori:

1. _____

2. _____

3. _____

Vaše odgovore možete poslati do 15-10-2005 posredstvom kupona za ovu nagradnu igru na adresu S. Šibonjić, C van Zantenpln 41,3122 CE, Schiedam, Nederland

Čitaocima nudimo mogućnost da sudjeluju u nagradnoj igri i time dobiju šansu da osvoje jedno od tri nagradna iznenađenja !!!

1. Pitanje

U koliko vremenskih razdoblja je Allah s.v.t. stvorio nebesa i zemlju?

- a. u šest vremenski razdoblja
- b. u sedam vremenski razdoblja
- c. sa jednom riječju: "Budi" i ono biva

2. Pitanje

Koliko meleka bdije nad Džehennemom?

- a. sedamdeset hiljada
- b. sedamdeset
- c. devetnaest

3. Pitanje

Koliko Džehennem ima kapija?

- a. sedam
- b. Osam
- c. samo Džennet ima više kapija a Džehennem ne

Naša kuhinja

Medenjaci

Sastojci

brašna po potrebi

1 čaša ulja

1 čaša šecera

1 čaša kisele vode

1 čaša meda

2 kašičice sode bikarbone

Uputstva

Od svih sastojaka zamjesiti tjesto kao za vanilice. Razvuci koru i čašom vaditi medenjake, redati u podmazan pleh i peći. Prije

pečenja, može se na sredinu svakog medenjaka staviti komadić oraha.






Nudimo vam kvalitetnu islamsku odjeću
za žene i muškarce po povoljnim cijenama!

Kontakt:

Mob.: 06-4908-6668
E-mail: an-nisa@home.nl
Država: Holandija



ISLAMSKA ODJEĆA

- Ženski mantili
- Haljine
- Kompleti (bluza + suknja)
- Kompleti (bluza + hlače)
- Kompleti (tunika + suknja)
- Hidžabi
- Hidžabi za djecu
- Razna muška islamska odjeća
- Kape, mirisi, misvaci itd.



MP3 kompleti



Novotarije i novotari




**Pojava fitneta i nereda
pred Sudnji dan**



Allahov poslanik

Audio izdanja



**Odlike i vrijednost
šAMA**


KOMENTAR HADISA „Umdetul - ahkama“



16.- 20. čas



**Hutba na Arefatu,
Vrijednost Arefata**



**Blagodati
ISLAMA**

posjetite nas na
www.KEWSEK.net

!! USKORO !!



**Budućnost pripada
ISLAMU**

**Drugo dopunjeno i prošireno izdanje knjige: SVOJSTVA POSLANIKOVOG NAMAZA
od Autora mr. Safeta Kuduzovića**